





尚友錄六卷

閩綏安 廖用賢 賓子編纂

楚晴川 張伯琮 鶴湄補輯

男 張坦讓 遜菴叅訂

張任鄴 若虔

校正

張任郎 夢選

一先

先

終都
商音

先

軫

周晉人文公時爲大夫城濮之役將中軍敗
楚師文公卒秦師伐鄭襄公從軫之謀敗秦

師于穀卒謚曰貞

子蔑亦爲大夫

蔑弟且

居襄公以其父軫死敵命將中軍初文公之世

諸侯朝晉獨衛不朝襄公謀伐衛且居曰效尤
禍也請君朝王臣從師晉侯朝王于溫且居胥

臣伐衛圍齊取之

後又敗秦師于彭

錢

彭城徵音顓頊曾孫陸終生彭祖
祖孫孚爲周錢府上士以官爲氏

錢

丹

周戰國
時隱士

錢

林

漢字元茂本徐州人建平中爲諫議大夫元始中王莽專政林遂棄爵隱長興陂門里不

干名利子

孫因家焉

錢

達

南北字通甫臨安人梁大同中爲廬陵王國侍郎羽林監陳高祖立遷東海太守生九子

皆掌郡符故其地所居之山其書爲山都號九州山見羅隱所爲碑記

錢九隴

唐字永業長城人善騎射累官右武衛將軍從平洛陽佐皇太子建成討劉黑闥有功封

郇國公改巢國卒

謚曰勇陪葬獻陵

錢

起

唐字仲文長興人工於詩天寶中舉進士與郎士元齊名時語曰前有沈宋後有錢郎

錢

朗

唐南昌人讀書西山以五經登科累官至光祿卿文宗朝歸隱廬山得補腦還元之術錢

歷十才子起其一也嘗赴舉夜聞空中歌云曲終人不見江上數峰青及賦湘靈鼓瑟末句用此二句足之主司歎曰若有神助凡公卿出牧奉使起與士元無詩祖行衆以爲恥起子微字蔚章元和中進士憲宗時嘗切諫毋入無名貢獻後宰相段文昌以所善托求第籍微不如所請致貶江州人勸出段私書以自直微曰苟無愧于心安事辯證卽焚其書爲庶子時有遺之錢二十萬者微不納或言非當路可無拒曰取在義不在官也人起孫翊工詩有雪晴早朝詩云紫微晴雪帶恩光遶仗偏隨鴛鴦行長信月明寧避曉宜春花滿不飛香亦以詩名世

鏐延致于杭禮之如師玄孫數人皆以明經爲縣宰已皓首矣而朗猶如童子一日與家人曰我適爲上清所召今去矣俄氣絕數日顏色如生舉棺尸解去時年一百七十歲

錢

鏐

唐字真美杭州臨安人幼年嘗與羣兒戲里中大木下坐石上指麾羣兒爲隊伍號令有

法羣兒憚之及壯無賴不事生業以販鹽爲盜縣錄事鍾起有子數人與鏐飲博起嘗禁其子子竊從之遊豫章有術士善望氣觀王氣注斗牛間占之知在臨安遍求不得術士與鍾起善謂起曰吾占君縣有貴人求之未有視君之相貴矣然不足以當之起乃置酒悉召賢豪命術者歷觀之曰皆非也適見鏐大驚曰此真貴人也起笑曰此吾傍舍錢姓博徒爾術者止鏐熟

視之顧起曰君之貴者因此人也起乃厚待鏐
資其窮乏及鏐貴辟起爲賓客唐乾符初王郢
作亂石鑑鎮將董昌募兵討賊表鏐爲偏將擊
郢破之是時黃巢兵大掠浙東鏐引勁卒蹂之
斬首數百巢大驚乃引兵還中和間越州觀察
使劉漢弘與董昌構兵鏐擊斬漢宏拜都團練
使景福間進鎮海軍節度使乾寧間加檢校太
尉中書令治錢塘冊封吳王改所居爲衣錦城
幼所戲大樹曰衣錦將軍天復二年封越王天
祐元年改封吳王梁太祖封吳越王展飭瑩隴
幼時釣弋之所盡蒙以華屋販鹽擔蕢亦裁錦
韜之歎曰焉敢忘本鏐置酒高會故老執爵上
壽歌曰三節還鄉掛錦衣吳越一王駟馬歸天
明明兮愛日輝百歲荏苒兮會時稀改臨安爲

衣錦軍明宗長興三年卒年八十二謚武肅
初時錢塘人苦海潮築堤捍之惡潮衝擊不能
成鏐命强弩數萬射之潮退而成有鐵箭大若
杵今在杭城南新橋雖首出土可撼不可拔父
老云掘之則隨土陷培之則隨土高鏐子元瓘
字明寶受唐命爲吳王晉天福二年加中書令
瓘善撫將士好儒學善爲詩使其國相沈崧置
擇能院選吳中文士錄用之然性奢侈好治宮
室因火燒宮室大懼病狂而卒謚文穆 元瓘
子弘佐字佐立時方十三襲封治越諸將皆欺
其幼弘佐初優容之諸將稍不法弘佐黜而治
之國中皆畏服卒謚忠獻弟弘信嗣立統軍使
胡進思廢之立其弟弘俶 弘佐季弟弘俶字
文德宋太祖卽位賜俶開吳鎮越榮文耀武功

臣開寶九年弘俶來朝賜劍履上殿詔書不名
太宗時復來朝畱爲太師中書令卒謚忠懿七
子惟濟惟濬惟治惟渲惟灝惟晉惟演 俶長
子惟濟知成德軍民有僞作白金質取緡錢者
其家來告惟濟曰第聲言被盜示以重購質者
當來責餘直卽得之矣已而果然 俶子子惟
演字師聖幼有俊才賦遠山詩云高爲天一柱
遠作海三峰俶深器之與楊億劉筠齊名家聚
書侔於祕府咸平中除知制誥翰林學士尋知
樞密院卒謚文僖 惟演子暄字載陽任郎官
知開撫台三州有治績除少府監又知鄧州爲
三司鹽鐵副使時鈞考諸路逋租兩浙轉運使
常坐負暄因對從容爲言逋租必亟斂恐民不
堪惟稍寬乃可集得免出知鄆州除寶文閣待

制卒暄好學皇祐間撰後漢功臣年表藏之祕閣所至不爲赫赫名而旣去見思十二子 暄

子景臻尚仁宗女許國大長公主官至少師封康國公 景臻子忱官亦至少師封榮國公宋

朝父子建節者十三家景臻其一也兄弟建節者七家錢忱錢愐其一也自儼至忱四世節度

鏐孫文奉字廉卿善射能上馬運槊涉獵經史音律圖籍醫樂皆冠絕一時歷太尉中書令

所著有賢

語二十卷

錢

昆 宋字裕之侗之子昆隨儼歸朝諸從子皆授

官獨昆與其弟易願從科舉遂登進士第累

遷至三司度支判官仁宗時知廬濠泉毫梓壽許七州爲台尚寬簡官至右諫議大夫以祕書

監致仕卒年七十六昆善爲詩賦又善艸隸有文集十卷弟易十七舉進士鄉試三題日中皆就俊邁過人爲文章數千言頃刻立成蘇易簡曰錢易李白才也真宗朝爲翰林學士章聖嘗圖山水扇命易作詩稱旨上大
大喜子彥遠明逸俱登制科

錢堯卿

宋字熙載樂清人吳越王七世孫年數歲居父喪如成人廬墓終制遂以孝稱母卒哀毀

過禮水漿三日不入口屏聲色却滋味者三年人以爲難闔族同居三十年餘竝無間言歲歉損穀價以濟饑民不能償者焚其券紹興間詔舉孝廉郡以名上未幾卒紹熙中旌表其閭

錢

堪

吳越湖州刺史有妖巫登大樹恣爲鬼神詔州人驚畏堪曰妖由人興命注弩而射坐果

請命因鞭之

州人咸服

錢

儼

宋字誠允少嗜學博涉經史少夢人遺以大硯自是樂爲文詞頗敏速富贍當時國中詞

翰多出其手歸京師日與朝廷文士遊唱咏不絕爲時所尚太宗朝出判和州

錢

熙

宋字大雅南安人博貫羣籍善屬文舉進士嘗獻四夷來王賦太宗愛其才遷殿中丞直

史館熙負氣善談笑精筆札嘗擬古樂府著雜言十數篇及刑措論爲識者所許有文集十卷

子蒙吉亦

進士及第

錢

顥

宋無錫人官侍御上疏忤王安石坐貶將出臺大罵御史王昌齡謂其奴事安石遂拂衣

上馬去蘇軾贈之詩有烏府先生鐵作肝之句因號鐵肝御史

錢若水

宋字淡成新安人十歲能屬文舉進士爲同州推官以善決疑獄名聞于朝遂召用久之

拜同知樞密院事真宗卽位以親老求還罷爲集賢學士初若水入華山陳希夷見之謂有仙風道骨請麻衣道者相之麻衣與希夷圍爐而坐熟視若水良久以筯畫灰曰做不得徐曰急流中勇退人也太宗朝爲翰林學士年四十致仕卒謚宣靖

錢

戢

宋溧陽人居父憂有少年數人來曰而父負我金數百萬戢與之不吝夜有盜入戢知之

呼與一白金使速去終不語人後

其子至顯官人以爲陰德之報

錢

龢

宋字岳甫以孝義知名居于錢塘門外九里松之間嘗建傑閣藏書甚富蘇軾榜曰錢氏

書藏仕至直祕閣知荆南府墳墓在靈隱天竺兩山之間

錢

勰

宋字穆父元祐初知開封府老吏畏其敏欲困以事導人訴牒至七百勰隨卽剖決問不中理者緘而識之戒無復來閱月一人又至呼詰之曰汝前訴云云啓緘信然上下皆驚咤

錢

俟

宋字惟大紹興二十一年進士授泰州教官入爲太學正除宗正簿太府丞宗正丞知袁州除祕書省著作佐郎將作少監出爲福建路提舉終朝請郎卒年六十六於書無所不讀尤精於易有文集五卷諸經講解十卷易說三卷

錢

佃

宋字仲耕常熟人以進士爲分水尉池真二州教授歷官吏部郎中累遷權兵部侍郎出

爲江西等路轉運使奏蠲諸路之逋守婺州勸分移粟活七十餘萬口朱熹極稱之佃忠信篤厚根於天性臨政不求赫赫聲恒以字民爲先官至中奉大夫祕閣脩撰有易解文集等書凡數十

卷

錢應高

宋溧陽人景定中虜陷建康時故人趙淮宿于其家爲虜所執應高聞淮死追之不及乃

哀號投荆

溪中而死

錢

益

宋東莞人刻苦讀書登淳祐元年進士第性剛介不可干以私每言及貪利則奮然怒罵

親喪三年居廬足迹不入寢室既禫當免解赴省或謂之曰至試期則服除矣益曰舍喪次而行不能步也乃遲三年赴省試中第歷濂州鹽官經畫鹽局事宜不擾而辦自著鹺局微勞一

扶鹽司聞其政績于朝再調靖康府簽判

田

雁門徵音舜後陳厲公子完字敬仲仕齊號田氏至田和篡齊九代至秦滅項羽時田假田儋

田市田榮田橫

田廣竝稱王

田

光

周燕人不慕仕進爲人智深而勇沈太子丹聞其賢願與之交以圖國事光曰臣聞騏驥

盛壯之時一日而馳千里至其衰老駑馬先之今太子聞光盛壯之時不知臣精已消亡矣因

薦荆軻太子曰願先生勿泄也光曰諾出而歎曰夫爲行而使人疑之非節俠也遂自刎以明其不

言

田

贊

周楚人嘗衣儒衣而見王王曰先生衣何惡也贊曰有甚於此者夫衣無惡於甲冬則寒

夏則熱王好衣人以甲臣竊不取意者其爲義邪甲兵折人首刳人腹墮人城郭繫人子女其名尤甚不榮意者爲其貴邪苟慮害人人必害之苟慮危人人必危之王無以應

田

單

周臨淄人初爲臨淄市掾燕伐齊盡降齊城惟莒卽墨不下卽墨人以其智立爲將軍拒

燕單乃收城中千餘牛衣以絳繪畫文豹文束刃于角縛韋於尾灌脂于葦夜鑿城數十穴燃

立之封單

爲安平君

嬰

周齊人王封嬰於薛號曰靖郭君嬰言於齊王曰五官之計不可不日聽而數覽也王從

小國所以能致相印於君者悅君義慕君廉也

今始至楚而受象牀則未至之國何以待君哉
孟嘗君曰善遂不受成趨出孟嘗君召而反之
曰子何足之高志之揚也成以實對孟嘗君乃
書門版曰有能揚文之名止文之過私得寶於
外者疾

入諫

○
田子方

周魏文侯以爲師一日與子方飲文侯曰鐘
聲不比乎左高子方曰臣聞之君明樂官不

明樂音今君審於音臣恐其聾於官也文侯曰
善太子擊遇子方於道下車謁甚恭子方不
爲禮擊怒曰富貴者驕人乎貧賤者驕人乎子
方曰亦貧賤者驕人耳富貴者安敢驕人國君
而驕人則失其國大夫而驕人則失其家失其
國家者未聞有以國家待之者也夫士貧賤者

田穰苴

言不用行不合則納履而去耳安往而不得貧賤哉公成季謂文侯曰田子方雖賢人非有土之君也君與之齊禮設有賢於子方者有何以加之文侯曰子方者仁人也仁人國之寶也周田完之苗裔景公與語兵事說之以爲將軍穰苴曰臣素卑賤君擢而加大夫之上士卒未附願得君寵臣監之乃可景公使幸臣莊賈往穰苴與賈約曰旦日日中會於軍門穰苴先馳至軍申明約束莊賈夕乃至穰苴曰將受命之日則忘其家臨陣約束則忘其親援枹鼓之急則忘其身今敵國內侵士卒暴露君乃安然召軍正問曰軍法期而後至者云何對曰當斬遂斬莊賈以徇三軍三軍股慄與士卒平分糧食身自拊循三日而後勒兵燕晉之師聞之

望風解去追擊之盡復所亡封內故境景公郊迎勞師成禮尊爲大司馬齊威王用兵行威大倣穰苴之法而諸侯朝齊威王使大夫追論古者司馬與法附穰苴於其中因號曰司馬穰苴

兵法

田

差

周晉平公爲馳逐之車車旣成題于鎡金立之於殿下令羣臣得觀焉田差三過而不一

顧平公作色大怒田對曰臣聞說天子者以天下說諸侯者以國說大夫者以家說士者以事說農者以食說婦姑者以織桀以奢亡紂以淫敗是以不敢顧也平公曰善乃命左右去其車

田

橫

漢故齊王榮弟項羽破齊復擊漢橫乃以散兵復收齊城邑立榮子廣爲王而相之及廣

死橫自立爲王漢高帝立橫與其徒五百餘人
入居海島中帝使人召之曰橫來大者王小者
侯不來且舉兵加誅橫因與二客乘傳詣洛陽
未至三十里曰始與漢俱南面今何北面事之
遂自殺帝拜其二客爲都尉以王禮葬橫既葬
二客皆自剄下從餘五百人在海中者聞橫死
皆自殺從者爲挽歌哀之曰薤上露何易晞露
晞明朝又復落人生一去何時歸又云蒿里
誰家地聚斂精魄無賢愚鬼伯
一何相催促人命不得少躊躇

田

何

漢字子莊淄川人惠帝時年老家貧守道
不仕帝幸其廬受易齊魯之士多宗之

田千秋

漢長陵人爲高廟寢郎會衛太子爲江充所
譖死上頗知太子冤千秋從容言曰臣嘗夢

一白頭翁教臣言曰子弄父兵罪當笞天子之子過誤殺人當何罪哉上悟曰父子之間人所難言也公獨明其不然此高廟神靈使公教我立拜千秋爲大鴻臚千秋言於帝曰方士言神仙者甚衆而無顯功臣請罷斥遣之帝曰鴻臚之言是也於是悉罷方士候神人者數月遂代劉屈釐爲丞相封富民侯至昭帝時年老詔其得乘小車入宮因號曰車丞相

田延年

漢字子賓爲河東太守誅鉏豪强奸邪不敢發橫遷爲大司農昌邑王淫戲霍光憂懣不

決問於延年延年曰將軍爲國柱石審此人不
可何不自太后廢之更選賢而立乎光乃召衆
官會議群臣失色莫敢發言延年按劍曰先帝
屬將軍安劉氏今社稷將傾將軍雖死何面目

見先帝乎今日群臣有後應者臣請劓斬之
於是議決遂白太后廢昌邑王而立宣帝

田廣明

漢宣帝時爲御史大夫昭帝之喪例大司農
僦民車田延年增僦盜取錢三十萬爲怨家

所告罪當死廣明謂杜延年曰春秋之義以功
覆過當廢昌邑王時非田子賓之言大事不成
今縣官出三十萬自乞之何如願以愚言白大
將軍杜以白光光曰誠然實勇士也當發大議
時震動朝廷因自拊心曰使我至今病悸謝田
大夫曉大司農通往就獄得公議之廣明使人
語延年延年曰幸
寬我耳遂自殺

田

真

漢弟慶廣三人分財堂前有紫荆一樹茂甚
共議破之爲三木幾枯死真嘆曰木本同株

因分折而摧悴況人兄弟孔懷而可離乎相感復合荆亦旋茂

田

强

漢武陵五溪酋領也王莽欲賜强銅印强有子十人雄勇過人乃曰吾等漢臣誓不事莽

以其三子將五萬人下屯沅東各築一城烽火相應田子居上城王子居中城倉子居下城

田

豐

三國字元浩鉅鹿人爲袁紹別駕曹操自征劉備豐說紹襲許紹辭以子疾不許豐舉杖

擊地曰夫以難遇之機而以嬰兒之病失其會惜哉後紹聽審配之計欲興兵伐曹豐諫曰師出歷年倉庫無積此國之深憂也不如獻捷天子務農安民此爲上策紹後果敗回或謂豐曰君必見重矣豐曰本初貌寬而內忌不亮吾思若勝則喜猶能赦之今戰敗而恚吾不望生逢

紀復譚於紹曰田豐聞敗拊掌大笑紹曰吾不用田豐言果爲所笑遂殺之

田豫

三國字國讓武清人仕魏遷南陽守盜賊屏迹境內肅清屢辭位不聽乃曰年高七十而

居位譬之鍾鳴漏盡夜行不休是罪人也遂引疾去

田德懋

隋高平人父仁恭開皇初以父軍功賜爵平原郡公身丁父艱哀毀骨立廬於墓側負土

成墳高祖聞而嘉之詔表其閭

田翼

隋養母以孝聞開皇中母患暴痢翼謂中毒藥遂親嘗穢惡母終翼一慟而絕妻亦不勝

哀而薨鄉人共厚葬之

尚友錄

卷六 田

十三

田弘正

唐字安道北平盧龍人爲人忠孝畏慎起樓聚書至萬餘卷爲魏博節度使封沂國公元和間詔命韓愈撰其先廟碑銘子布字敦禮平蔡幾十八戰有功授御史中丞爲河陽節度使弘正徙成德節度使父子同日拜命時人榮之

田神功

唐南宮人天寶末爲縣史方兵興率衆歸朝以破賊功累遷太子太師且事親至孝謙以待人嘗寢疾吏爲祈禱卒贈司徒弟神玉汴宋節度畱守

田歸道

唐使契丹長揖不拜將殺之辭色不撓歸朝決默啜必叛歷夏官侍郎

田志亨

唐蠡吾人號通真子父母亡負土築墓一日捨妻子爲黃冠師卜居唐縣之磨巖坐柏樹

下一磨石曰正食於落幕宿石上每有奇獸目蛇直前皆俛首而退里人異之爲剏觀居焉壽

八十

終

田遊巖

唐三原人隱太白山後入箕山居許由祠旁自謂爲東鄰高宗幸嵩山親至其門田野服

出拜帝命左右扶止謂曰先生比來佳否答曰臣所謂泉石膏肓烟霞痼疾者名至京師拜崇文館學士宅居奉天宮左天子自書榜其門曰處士田游巖宅與韓法昭宋之問爲方外友云

田

弘

五代高平人慷慨有謀略仕周封鶉陰子累遷驃騎大將軍嘗計平西羗及鳳州叛民每

臨陣摧鋒直前身被百餘箭破骨者九後拜大司空少保

田重進

宋幽州人形質奇偉有武功太祖時屢官至靖難軍節度使爲人朴厚太宗在藩邸愛其

忠勇使人遺以酒炙不受謂使者曰爲我謝王我知有天子耳太宗卽位美其無私終厚遇之

田佐恭

宋思州人母夢馬援入其宅遂生佑恭田氏代產異才保安番部累賜璽書勞之世爲思

州守

田

錫

宋字表聖真宗至道中擢知制誥召對上御覽三十卷御屏風五卷詔褒之上嘗目之曰

朕之汲黯也

錫遇事敢言不避權貴慕魏徵

李沆之爲人歷事兩朝始終以諫諍爲已任盡

言不諱封疏五十三奏悉焚之曰直諫臣職也

豈可藏副以賣直邪及卒真宗惻然曰田錫直

臣也天何奪之速耶手集其所上疏封置一篋以遺仁宗

田

况

宋字元均冀州信都人少卓犖有大志舉進士甲科補江陵推官夏竦經略陝西辟爲判

官言治邊十四事至和初擢樞密副使以太子少傅致仕卒謚宣簡况寬厚明敏有文武材與人若無不可至其所守人亦不能移有奏議二十卷治蜀公平人不忍欺稱爲照天蠟燭言其聽斷明也

田

京

宋滄洲人舉進士調蜀州司法叅軍累遷京西陝西轉運使嘗兩知滄洲拜諫議大夫卒

京喜議論爲人尙氣節以倜儻聞通兵戰算雜家之術著天人流術通儒十數書

田

闢

宋字思孟南康人天資篤實嗜學不倦游上庠二十年無所成浩然歸隱號大隱居士子

九人各授一經教法甚嚴登第及特

恩者七人時稱義方者必曰田氏

田

偉

宋燕人爲江陵尉因家焉作傳古堂藏書五萬七千卷無重複者黃魯直曰吾校中祕書

及遍遊江南文士圖書

之富未有過田氏者

田文虎

宋字炳叔寶慶初登進士第仕至樞密院檢討出知常州居官性極廉介自奉苦淡妻子

惟衣布素死之

日家無餘貲

田

祈

宋貝州清河人十世同居太平興國三年詔旌其門閭復其家

邊

隴西徵音子姓宋平公子御戎字子

邊其後以子爲氏又聖出陳畱金墉

邊

鳳

漢字子章陳畱人爲京兆尹有能名郡人記曰前有張趙三王後有邊延二君

邊

韶

漢字孝先陳畱浚儀人教授數百人才思敏絕應口成章嘗晝日假寐弟子私嘲之曰邊

孝先腹便便嬾讀書但欲眠韶潛聞之應時對曰邊爲姓孝先字腹便便五經笥但欲眠思經事寐與周公同夢靜與孔子同意師而可嘲出何典記嘲者大慙官至尙書令著作東觀著書頌碑銘書策

凡十五篇

邊

讓

漢字文禮陳畱人善屬文作章華賦多艷麗之詞而終之以正亦如相如之諷也蔡邕薦

於何進曰生唐虞則元愷之次值仲尼則顏冉之亞孔融亦薦其有俊逸才爲九江太守

○
邊

崗唐撰景福崇
元錄四十卷

邊

鎬五代初生時父母夢謝靈運來謁遂生鎬故小名康樂仕南唐從查文徽克建州俘獲皆

全號邊佛子克潭州市不易肆號邊菩薩爲節度盛脩佛事號邊和尚

邊

肅宋字穆之有文行真宗景德元年密採群臣有聞望者得二十四人肅與焉召對崇政殿

置臺省
館閣

權

天水徵音顓帝之後楚武王滅權子孫爲權氏又楚若敖之孫鬬緡尹權以字爲民

權武

隋字武弄襲慶子以忠臣子起家拜開府

少勁勇力絕人能重甲上馬嘗倒投於井未

及泉躍而出其勇絕如此以平

權德輿

唐字載之天水略陽人四歲能詩德宗朝知制誥在西掖八年風流醞藉為縉紳羽儀結

廬江南蓬蒿晏如每遇一勝境得一佳句怡然獨笑如獲珍寶元和中同平章事凡貴人名士歿後以銘記請者什八九為一世宗匠父臯字子由在祿山幕府度其必反逸去上召拜為起居舍人不就名入卓行傳

德輿子璩為監察御史

權達

唐字逢吉元和中為令邑有西湖久廢達去其涇塞決豪家所築堰引方山泉注湖復舊

尚友錄

權懷恩

唐爲萬年令賞罰明決見惡輒斥時語曰寧飲三斗塵無逢權懷恩每盛服妻子不敢仰

視更五州刺史所居威

名赫然吏胥重足屏息

權邦彥

宋字朝美河間人七歲能誦毛詩十三入郡庠頭角嶄然父奇之曰真名家駒一日千里

也崇寧中上舍登第調滄州教授紹興初累官簽書樞密院事嘗獻十議以圖中興又言宜乘

機者三尋兼權叅知政事有遺稿十卷號瀛海

殘編楊誠齋贊之云補天重光扶日再中

燕

始興羽音召公奭封於燕其後以國爲氏又望出土谷范陽

燕

伋

周孔子弟子人謂重甲也周魯公伋父也

贈漁陽伯

燕

鳳

南北字子章代人博綜經史明習陰陽諸經
魏昭成待以賓禮拜代王左長史參決國事

道武卽位歷

行臺尙書

燕

肅

宋字穆之青州人舉進士累官龍圖閣直學
士歷知數州有善政知審刑院冤獄盡釋肅

性巧嘗造指南記里鼓于軍及歌器又爲
蓮花漏分刻不差人服其精立石載其法

燕

達

宋字逢辰善騎射以材武選隸親衛神宗嘗
問之曰用兵愛克厥威乎對曰威非不用也

以愛爲先帝嘉其言
官至武康軍節度使

牽

見姓苑壘
出安平

○
牽

招

三國字子經、魏文帝拜右中郎將、次子弘、猛毅有父風、隨鄧艾伐蜀有功、拜振威護軍、

在綿州築臺爲

京觀以彰武功

牽

秀

晉字成叔、辯博有學、弱冠得美名、補新安令、金谷二十四友、秀其一也

全

京兆商音

全

範

漢太史令著風氣占軍二卷

全

琮

三國字子瑾、錢塘人、父柔、漢尚書右丞、累官桂陽太守、嘗使琮將米數千斛入吳市、易琮

悉以賑士夫之貧者、歸報曰、所利非急而吳士夫方有倒懸之急、故賑贍之、柔更苛之、龐統曰、

卿好施博名有似汝南樊子昭亦一時之佳也
後仕吳爲奮威校尉領東安太守治富春招集
流亡數月之間得萬餘人加綬南

大將軍封錢塘侯 子鐸仕魏

○
全子棲

晉爲文則入自課菴一文必三草十年後悟
其淺近盡付於火平生凡三焚其所集之文

全綬

宋字弘立錢塘人受易學得精
微通老莊二氏談玄者皆推之

泉

本姓全吳全琮之後琮孫暉封高陽
侯食封白水改爲泉字璽出上洛

○
泉

仙 南北字思道豐陽人世雄商洛襲本縣令仙
年十二鄉人詣州請仙爲縣令雖童幼而好

學恬靜百姓安之性又清約在縣五年
每於自鄉運米爲食任滿遷洛州刺史

連

上黨徵音齊大夫連稱之
後馮翊白水縣有連氏

連

稱

周齊侯使連稱管至父戍葵丘與約曰瓜
時而往及瓜而代公問不至請代弗許

連久道

漢字可久江湖得道之士年十二能詩父携
之見熊曲肱賦漁父詞云蘆花輕逐微瀾蓬

窗獨自清閒一覺遊仙好夢任他竹冷松寒曲
肱亦贈以詩且曰此子富貴中留不住後果爲

羽衣得道

往來西山

連肩吾

唐著金英玉
髓經一十卷

連舜賓

宋字輔之徐州人歲饑出穀萬石
損價糶之惠及隣邑歐公表其墓

連世瑜

字樂清人居左洞同妻方氏事母至孝母死

刻像奉之益恭郡守張九成嘗移文體訪里

人王十朋親到其家詢諸比隣咸稱世瑜事亡

如存晨昏饋食經今十年孝誠不替九成饋酒

禮之淳熙中世瑜死方氏年踰七十率其子士

表士則供奉益至郡守繼上其事詔旌表其門

宣

始平徵音魯大夫宣伯之後以謚爲氏

宣

秉

漢字巨公雲陽人少脩高節王莽徵不至光

武初徵拜御史中丞秉性儉約所得俸賜輒

散親族家無儋石之儲帝幸其舍見而歎曰楚

國二龔不如雲陽宣巨公卽賜以布帛帷帳什

物後拜大司徒子彪

仕爲郎虎封南安侯

宣虞

漢撰老子始
終記一卷

宣明

漢字南仲長汀人貢辟雍浩然有歸志愛城南五里巖洞中隱築室郡守謝稠題曰宣巖

宣聘

晉著通易
象論二卷

然

鄭穆公子然之
後聖出山陽

然友

周戰國時滕人爲滕世子傅滕
定公薨世子使之問禮於孟子

然溫

漢江州人仕爲度遼將軍守
桂陽長於治民能得民心

鮮

南安鮮
氏之後

鮮遂

漢著太乙保生論一卷

鮮大年

宋灌縣人令綿竹公恕存心不為豪猾所撓凡廢墜前人睥睨不敢為者悉成之

延

見姓苑璽出河南

延篤

漢字叔堅犇人博通經傳能著文章舉孝廉為平陽侯相到官表龔遂之墓擢用其後桓

帝時徵拜議郎與朱穆等共著作東觀李文德曰叔堅有王佐才奈何屈千里之足乎欲引進之篤固辭後稍遷侍中徙京兆尹政用寬仁與邊鳳齊名三輔人歌之所著論銘等凡二十篇鄉人圖其形于屈原廟延篤欲寫左傳無紙唐溪典以廢牋記與之篤以牋記紙不可寫借

本諷之糧盡辭歸典曰卿欲寫傳何故遽歸篤
日已諷之矣典歎曰嗟嗟延生若使尼父更起
于洙泗君當編名七
十與游夏輩爭匹也

堅

苑見姓

堅

鐔

漢字子伋襄城人以吏能從光武為偏將軍
每戰輒先當矢石以功封合肥侯繪形雲臺

弦

江黃道伯之姻
子孫以國為氏

弦

章

周齊景公伐宋登高歎息曰今臣無管仲章
對曰臣聞之水廣則魚大君明則臣忠昔有

桓公固有管仲假令桓公在

此則車下之臣必有管仲焉

弦

高

周莫人莫穆公時高見莫爲秦晉所逼不仕爲商人及晉文公返國也與秦穆公連

兵伐鄭鄭人私與秦盟而晉師退秦又使大夫杞子等三人戍鄭居三年晉文公卒襄公初立秦穆公方強命百里孟明西乞術白乙丙帥師襲鄭過周反滑鄭人不知時高將市于周遇之謂其友蹇他曰師行數千里又數經諸侯之地其勢必襲鄭夫襲國者以無備也示以知其情也必不敢進矣于是乃矯鄭伯之命以十二牛犒秦師且使人告鄭爲備杞子亡奔齊孟明知事敗乃返師襲晉至殽晉人邀擊大破之鄭于是賴高而存鄭穆公以存國之賞賞高高辭曰詐而得賞則鄭國之政廢矣爲國而無政是敗俗也賞一人而敗國俗智者不爲也遂以其屬

徙東夷終

身不返

玄

玄都古諸侯國
子孫以國爲氏

玄

俗

周河間人
列仙傳

玄

賀

漢宕概人顯宗時爲卿佐宕渠令第五倫薦
賀于朝後爲九江沛二郡太守以清謹著聞

官累遷至

大司農

縣

梓潼晉大夫食
采綿上因氏焉

縣

駒

周齊人
善歌者

○
芋

楚如國終之
子李連之後

○
芋

戎周昭哀王時人爲
將攻楚取新市

編

○
編

意

漢潁川人隱論出
人能與鬼神交通

○
蜎

見姓苑
狂亮切

○
蜎

淵

周老子弟子著
書十三篇楚人

○
縣

音懸扶風其先有爲縣大
夫因以爲氏又望出江陵

○
縣

成

周魯人孔子
弟子字子祺

纏

見姓苑
平聲

○
纏

子

漢著書
藝文志

○
縛

○
縛

諸

周刺客吳公子光謀殺王僚伏甲於窟而享
王使諸進魚鱠寘劍其中刺之交胸諸亦爲

衆兵

所殺

○
淵

淵客

周鮒人也居水中入市賣鮒為常
臨去索器泣而出珠以謝主人

顓

顓臾
之後

顓頊和

周神
仙傳

鉗

鉗耳

唐字知命元和中為長
興令清介民服其化

顓

徵音周臣
太顓之後

顓頊

周從重耳出奔十九
年後返國封為大夫

二蕭

蕭

河南角音宋微子支孫封于蕭以邑爲氏又聖出蘭陵

蕭史

周善吹簫作鳳鳴秦穆公以女弄玉妻之遂教弄玉吹簫作鳳鳴後弄玉乘鳳蕭史乘龍

共飛

昇去相

蕭

何

漢沛之豐人初爲沛主吏高祖爲亭長何嘗左右之及從入關獨收秦相府律令圖書造

石渠閣藏之楚漢爭雄何常守關中轉給饋餉軍中無乏天下旣定以功第一封鄼侯爲開國

名相卒謚文終高祖常稱三傑何其一也何居

家置田宅必窮僻處不治垣屋曰後世賢師吾

儻如不賢母
爲勢家所奪

蕭望之

漢字長倩東海蘭陵人徙杜陵少有重望仕
至太子太傅宣帝察其明敏持重疾篤受遺
詔輔政領尚書事元帝卽位望之以師傅見重
多所匡正後爲弘恭石顯所陷飲鴆自殺帝聞
之驚拊手曰曩固疑其不就獄果然殺吾賢傅
卻食涕泣哀慟左右入子育咸由三人最貴
育字次君少與朱博友善著聞當世及育爲執
金吾力辟博于朝故長安語曰蕭朱結授王貢
彈冠言其相與同也 咸哀帝朝官大理丞時
大司馬董賢貴顯權倖人主賢父恭免咸婿劉
閎求婚咸謂閎曰董公大司馬乃堯禪舜之文
非三公之故事長老見者莫不心懼此豈家人

子所能堪邪閔悟還報咸自謙薄之意恭歎曰
我家何用負天下而爲人所畏如此後賢果敗

蕭

綦

漢彰德人脩道天平山延壽宮善吹簫能致
鳳鸞翔集于前號碧霄真人道成白日冲舉

蕭

紉

南北字景業宋武帝時爲雍州刺史加都督
紉畱心辭訟人人呼至案前親自顧問有不

得理者勉諭之退皆無恨百姓素所畏愛及卒
喪還百姓沿汚水而哭設祭于峴山爲立祠謚

曰昭

侯

蕭摹之

南北蘭陵人宋元嘉中爲丹陽尹上言佛入
中國已歷四代形像塔寺所在千數材竹銅

銖糜損無極無關神祇有累人事不爲之防流

患未息自今欲鑄銅像皆得列言須報乃得帝

之

蕭摩訶

南北字元胤南蘭陵人果毅有勇力仕陳屢從吳明徹北伐領騎深入敵陣縱橫奮擊無

不披靡明徹謂其才不減關張以功歷

車騎大將軍封建綏郡公改授侍中

蕭鏗

南北南齊豫州刺史鎮姑孰時人發桓溫女塚得金巾箱織金爲襪爲匳器又有金蠶銀

繭等物甚多鏗自往脩

復織毫無患輿論賢之

蕭景

南北字子照好學才辯有識斷齊明帝時爲永寧令爲百城最永嘉太守榜郡門曰諸縣

有疑滯者可

就永寧令決

○
蕭子雲

南北字景喬蘭陵人南齊高帝之孫仕梁爲國子祭酒善艸隸嘗飛白大書蕭字李約得

之結一亭扁爲蕭齋嘗出爲東陽太守百濟國使人求書適子雲維舟將發使者望船三十餘步拜行而前子雲乃爲停船三日書三十紙與之獲金寶數百萬子雲雅好仙術師事杜曇永頗得其祕忽有神人降言郁木坑可以久居乃移家寓焉一旦上帝付玉冊封爲玄洲長史玉笥山中有蕭子雲宅弟子顯字景易額奇偉雅好學工文嘗著鴻序賦尚書令沈約見而稱曰可謂明道之高致蓋幽通之流也大同三年除爲吳興太守

蕭思話

南北南蘭陵人宋孝懿皇后弟子也父源之除兖州刺史思話少未知書鄰曲皆惠毒之

孝武時徵爲尚書左僕射後拜鄭州刺史加都督卒謚曰穆子惠開惠基基從文帝登鍾山使於石上彈琴賜以銀酒鍾賞其有松石間意子惠開遷御史中丞百僚憚之拜益州刺史嚴用威刑百姓號曰卧虎惠基子眎素天監中任丹陽尹梁武帝賜錢八萬一朝散之親友榮利不關於中喜怒不形於色後爲諸暨令到縣十餘日挂衣冠於縣門而去號曰貞文先生

蕭

琛

南北字彥瑜惠開從子仕梁嘗預御筵醉伏武帝以棗投之琛取栗擲帝正中面曰陛下

投臣以赤心臣敢不報以戰栗上每呼爲宗老主儉當朝琛年少未爲儉識自負其才氣候

儉宴於樂游乃著虎皮鞞策桃
杖杖直造其座儉與語大悅

蕭

介

南北字茂鏡有器識與族兄琛洽及弟淑等
爲文酒賞會宋武帝延後進二十餘人置酒

賦詩介染翰成文文不加點臧盾以詩不成罰

酒一斗盾飲盡言笑自若帝曰蕭介之文臧盾

之飲皆卽席之美也仕齊爲尙書後仕梁侯景

亂爲慕容紹宗所敗自求貶削梁主不忍介諫

曰竊聞凶人之性不移天下之惡一也侯景以

凶狡之才荷高歡卵翼之遇歡墳土未乾卽還

反噬逃死關西宇文不容復投于我棄鄉國如

脫屣背君親如遺芥豈知遠慕聖德爲江淮之

純臣乎帝不

聽卒被其困

蕭

引

南北字子不書爲當用月重阿字帝掌引奏署指引署名曰此字筆趣翩翩似鳥之欲

飛引謝曰此乃陛下

下假其毛羽耳

蕭

賁

南北竟陵王子良之孫有文才善書畫嘗于扇上圖山水咫尺之間便覺萬里矜慎不傳

自娛而已

初侯景破臺城湘東王繹淹留不

進時賁爲記室參軍以繹不早下心非之嘗與

繹雙陸食子未下賁因諷曰殿下都無下意繹

深銜之及得敕繹又欲旋師賁曰景以人臣舉

兵向闕今若放兵童子能斬之矣大王以十萬

之衆未見賊而退柰何繹不悅後以他事被殺

蕭

統

南北字德施小字維摩梁武帝太子也讀書五行俱下五歲通五經注文選三十卷注陶

潛詩集并序年三十一卒朝野痛之謚昭明所著有詩文行于世

蕭

象

南北字世翼容止閒雅簡於交游事母以孝聞任丹陽尹象生長深宮逮親庶政舉無夫德朝廷稱之再遷湘州刺史加都督湘州舊多猛獸爲暴及象任州日四猛獸死於郭外自此民得靜息父老咸稱德政所感歷任太常卿加侍中遷祕書監卒謚曰敦

蕭

放

南北字希夷祇之子居喪以孝聞所居廬室前有慈烏來集各據一樹爲巢午前馴庭飲

啄午後更不下樹每臨時舒翅悲鳴全似哀泣時以爲孝感武平中待詔文林館遷散騎常侍

蕭

曄

南北字通明爲晉陵太守美才仗氣名盛海內爲宗室重特被簡文友愛與新喻建安南

號東宮四反

蕭

宏

南北字宣達梁武帝第五子也性愛錢百萬一聚黃榜標之千萬一庫懸以紫標豫章王

綜爲作

錢愚論

蕭

綸

南北武帝第六子侯景陷臺城執綸不屈殺之投于江岸經日色不變鳥獸莫敢近時飛

雪飄零屍橫道路周回數步獨不霑灑

蕭

嗣

南北字長胤性驍果有膽略侯景遣任約攻嗣時賊衆方盛咸勸且止嗣按劒叱之曰今日之戰蕭嗣效命死節之秋也及戰遇流矢中頸不許拔箭手殺數人賊退方拔之應時氣絕

蕭賚

南北何妥少機警住白楊巷蕭賚有雋才住青楊巷語曰世有兩雋白楊何妥青楊蕭賚

蕭映

南北字文明梁普通二年爲吳興太守郡累不稔大通三年野穀生武康凡二十二處自

此豐穰映製嘉穀

頌以聞中詔稱美

蕭脩

南北字世和梁武帝時爲梁州刺史秋遇蝗脩躬至田所深自咎責功曹史瑯琊王廉勸

脩捕之脩曰此由刺史無德所致捕之何益

言畢忽有飛鳥千群蔽日而至食蟲遂盡

蕭大園

南北字仁顯四歲能誦三都賦及論語孝經心安閒放嘗云間閭有優游之美朝廷有簪

佩之累北山之北棄絕人間南山之南超踰世

網藉纖艸以蔭長松結幽蘭而援芳桂沽醕收

羊叔濯生之志畜雞種黍應莊妻之言有別
遠商確古今田駿相過劇談稼穡旣可以娛神
復可以

散慮

蕭文琰

南北與丘令江洪並以文稱梁竟陵王夜集
令賦詩四韻刻燭一寸文琰曰燒一寸燭而

四韻成何難之有乃與江
洪共叩銅鉢響絕而詩就

蕭彥達

南北簡文第七子遷荊州刺史注水暴長頗
敗人田禾彥達以穀二萬石贍之使長史蕭

琛簡州貧老單丁吏一日

散遣百餘人百姓大悅

蕭道度

南北齊高祖道成兄也初兄弟同受學於雷
次宗其父嘗質問二子學業宗曰其兄外明

其弟內潤皆良瑾也 道度子約嘗手自細書
五經一卷置巾箱中名巾箱五經性愛齋稽山
水曰身處朱門情遊江
海形入紫闥志在青雲

蕭

讓

南北蘭陵人鄱陽王恢之孫初封攸侯荊州
平與何妥同至長安學詩書禮記春秋並通

大義開皇初封山陰縣公國子博士奉詔與妥
正定經史後撰漢書及文選音義爲當時所貴

蕭

瑀

唐字時文後梁明帝子好經術歸唐封宋國
公高祖嘗引升御榻呼爲蕭郎瑀事帝孜孜

盡力繩違舉過人皆憚之帝嘗有敕瑀尚朱宣
詰之瑀曰大業之世內史宣敕前後相違故臣
受勅必勘審與前不違始敢宣行帝曰卿能如
此朕復何憂太宗以其武德之季有黨言加侍

死脇真社稷臣也因賜以詩云疾風知勁草板蕩識誠臣魏徵曰瑀違衆孤立唯陛下知其忠勁彘不遇明聖求免難矣蕭氏自瑀至邁凡八葉宰相古未有也瑀太宗朝嵩元宗朝華肅宗朝復德宗朝俛穆宗朝寘宣宗朝傲懿宗朝邁僖宗朝瑀子嵩姚崇稱其遠到開元十七年兼中書令在公謹密人莫見其際會裴光庭卒上問嵩誰可代光庭者嵩薦韓休遂與休同相時荊州進柑上以紫羅帕包柑賜之

蕭

芮

唐爲吉州牧政平訟理結庵金鳳山之界讀老子書自號蕭道者旣解任郡人卽庵立祠

宋周必大重其風節言之朝賜廟曰剛介

蕭定

唐字梅臣瑀曾孫歷六州以清著朱泚之亂不爲所污遂變姓名爲張誕後擢太子太師

蕭復

唐爲江淮等道宣撫使嘗言於上曰宦官掌兵恃權縱橫此屬但宜掌宮掖之事不宜委

以兵權國政又曰陛下踐祚之初聖德光被自用楊炎盧杞濁亂朝政以致今日倘能變更睿志臣敢不竭力若使依阿苟免臣實不能嘗與盧杞同奏事杞順上旨復正色曰盧杞言不正帝愕然初復爲刺史潔已愛民父老乞留不得特率衆剏立蕭相樓立碑頌德以表去思

蕭穎士

唐字茂挺四歲能文十歲補太學生觀書一覽卽成誦通百家譜系精籀學十九舉進士

對策第一補祕書正字名播天下盧異等皆執弟子禮號蕭夫子倭國入朝自陳國人願得蕭

謚曰文元先生 穎士性嚴酷有一僕名杜亮者事之十餘年穎士每加箠楚輒百餘不堪其苦人或激之使去僕曰我非不能他從所以遲留者特愛慕其博奧耳 穎士子存字伯誠一字成性亮直有父風能文詞與韓愈沈既濟梁肅徐岱善浙西觀察使李棲筠表爲常熟主簿顏真卿在湖州與存及陸鴻漸等撰韻書數百篇建中初由殿中侍御史四遷比部郎中

蕭

廩

唐倣子字富侯第進士遷尚書郎倣領南海廩解官隨侍南海多穀紙倣敕諸子繕補殘

書廩諫曰州距京師且萬里書成不可露齎必貯於篋箱貪者伺望得無惹苒嫌乎倣曰善吾

思不及此故父

子克保令名

蕭邁

唐字得賢瑀之後自負大節以王佐之任自許及僖宗朝當國風采峭整帝器重之

蕭德言

唐字文行明左氏春秋太宗時歷著作郎弘文館學士帝欲知前世得失詔魏徵虞世南

褚遂良及德言哀次經史百氏帝王所以興衰者上之帝愛其書博而要曰使我稽古臨事不

惑者公等力

也賚賜尤渥

蕭

膺

唐字次元候官人開成初進士是歲閩中登第者四人朝士詩云幾人天上爭仙桂一歲

江南折四枝閩中自是號爲

文儒之鄉膺官至大理司直

蕭

儼

唐累官大理卿兼給事中後主屢與嬖倖對

奕儼入白事舉奩投地後主大怒曰汝與魏徵孰愈儼從容曰臣若非魏徵陛下亦非唐太宗

後主默

然罷奕

蕭

結

五代祁陽令不畏強禦方暮春時有州符下取競渡船刺史將臨觀結怒批其符曰秧開

五葉蠶長三眠人皆忙迫划甚閒船守愧而止

蕭

謬

宋新喻人以詩易教授閭里而尤篤于教子其後四子皆博學有名曰賀曰賁曰賁曰賁

俱登進士第賀累官京東轉運使為人尚氣槩臨事敢爲且善屬文時人擬之唐李賀云

次子貫祥符中蔡齊榜登第貫少時夢至一宮
殿群女如神仙一人授紙云此衍波牋賦曉寒
歌援筆立成云十二堯關隱宮綠獸猊噴酒椒
壁馥渴烏涓涓不相續輓轡欲轉霏紅玉百刻
香殘隕蓮燭五龍吐水漫寒漿紅綃佩魚無左
璫兩兩懸足瞻扶桑紅蘋半瓣出波面回首觚
稜九霞綯鳴鞘遠從天上來大劒高冠滿前殿
賦畢衆仙女拱立曰子詩甚有奇話異日必貴
又同邑黃定亦乾道中進士第一官至禮部郎中
祭酒有文集行于世

蕭國梁

宋永福人乾道中進士第一官至禮部郎中

蕭楚

宋太和人紹聖間游太學時蔡京專國禁春
秋筵歸不復出仕著論辭四十九篇弟子百

師之自號三顧隱客歿門人私謚曰靖節先生

蕭

振

宋字德起平陽人爲成都守好獎善類威行惠孚卒之日老稚號泣者載道家居瀕江微

時見過客皆溺死自造巨舟備

工以濟人頌其德名曰蕭家渡

蕭

韓

宋字棠仲龍溪人登大觀第調古田尉獲強盜三十餘人爲減賊以免死或告以減贓不

應賞格韓曰利囚死以取官非吾志也遷福精

丞有誣告平民事妖術者韓爲伸雪保全數百

家知南恩州道遇賊曰聞公德政願與更生韓

招徠之郡苦於海寇爲築城植刺竹寇不敢犯

復肇建學校以免

秀民土丁之役

蕭定基

宋字平一景祐中爲殿中侍御史仁宗嘗題殿柱云彭齊之文章楊伋之清操蕭定基之

政事爲江西三瑞云子三人
汝諧汝礪汝器孫服俱及第

蕭

顥

宋字子莊浦城人天資朴實少孤事母以孝聞母喪廬墓三年日夕號慕與李郁陳彥羅

從彥同受業楊時之門嘗答范某書云士之所志舍仁義何爲哉唯仁必欲熟義必欲精仁熟則造次顥沛有所不違義精則利用安身而德崇矣晚以累舉得官爲清流縣主簿終歲而歸徇徯閭里朱松嘗師事之

蕭

燧

宋爲平江司理秦檜遣人密告燧曰公秋試

試浮沉州縣十餘年始遷國子司業至孝宗朝
爲侍讀進講陸贄奏議終篇帝賜之御筵及金
器鞍馬 子達淳熙間舉進士孝宗曰達才氣
甚佳父子高科殊爲可羨後累官至太常卿常
知貢舉于落卷中取真德秀時稱其知人 達
從子崩號大山崩弟泰來號小山俱以文名登
紹定間進士崩累官宗正丞泰來累官御史遷
起居郎 燧

世居新喻縣

蕭

雄

宋字安道樂昌人與兄維弟雅俱肄業上庠
雄中蔡巖榜維中賈安宅榜雅中莫儔榜兄

弟三人起自白屋連
掇高科時人榮之

蕭建功

宋字懋德新淦人少好學嘗從陳瓘遊瓘器重之李朴被謫時貧不能自給建功爲築室

居之朴死建功以女妻其子李

綱薦其操行堅正累官知衡州

姚

吳興商音舜生于姚墟謂之姚虞後因氏胡公滿之孫亦爲姚氏

姚

光

周吳人得神丹能分形散影坐在立亡火之不焦刃之不傷吳王親試之積柴數千束令

光坐其中四面發火烟焰蔽天觀者盈都下咸謂光必灰燼矣火息光從灰中振衣而起手把

一卷書吳主視

其書不能解也

姚弋仲

晉蒲洪據關右弋仲遣子襄帥衆擊洪不利病將死屬襄曰中原無主伐石至自歸于晉

名文武冠世英濟之稱著于南夏以父遺命率
衆歸晉詔屯譙城襄弟

莫亦有雄才武藝過人

姚

察

隋字伯雷武康人父僧坦爲梁太醫正祭幼
有至性六歲誦書萬餘言勵精學業十二能

屬文梁文帝在東宮時引于宣猷堂聽講論難
後仕隋爲祕書丞脩梁陳二史及刪定朝式子
思廉初仕隋爲代王侍讀唐兵入城府僚皆奔
忙獨思廉侍王唐兵升殿思廉厲聲曰唐公起
義兵本安王室若等不宜無禮衆却布列階下
唐主淵義之曰仁者之勇也後仕唐爲弘文館
學士與魏徵同撰梁陳書瀛
洲十八學士思廉其一也

姚果毅

唐硤石人貞觀中爲雋州都督時陳州刺史有女擇婿袁天綱曰惟果毅有貴子可嫁之

後果爲相

子崇字元之少尙氣節長乃好學

初授濮州司倉叅軍累遷鳳閣侍郎以張易之

讚出爲靈武道大總管張柬之等誅二張崇與

謀以功封梁縣侯立宗立崇上十事遂拜相封

梁國公史贊云崇善應變以成天下之務璟善

守法以持天下之正卒謚文獻子三人彝弈昇

皆至卿位

崇與張說同爲宰相不相能崇病

誠其子曰張丞相爲人奢侈好服玩吾歿後汝

具陳平生寶器於前張若顧卽錄置之仍以神

道碑爲請旣獲其文登時錄進先礱石以待至

便鐫刻遲則必當有悔若復來徵之當引視鐫

石告以聞上可也崇沒張來弔崇家其子悉如

日果遣取本以文未周密爲辭姚氏子引示石
碑告以奏御使者復張歎曰死姚崇能算生張
說吾今日乃知才之不及遠矣 崇孫合登元
和進士工詩乾元中調武功尉遷監察御史
選唐詩二十三家爲極玄集官終祕書監

姚岩傑

唐工詩嗜酒遊江左乾符中顏標典鄱陽創
鞠塲請岩傑記之標易三字岩傑怒覆碑于

地以詩寄顏標云爲報顏公識我麼我心惟只
與天和眼前俗物關情少醉後青山入夢多田
子莫嫌彈鋏恨甯生休唱飯牛歌聖朝若爲蒼
生計也合公車到薜蘿有文集二十卷號象溪

姚兼濟

唐吳人善琴得石荆山之傳在楊州逢異人
授以古操撫之果奇人以爲廣陵散之遺也

姚鉉

唐字寶之合肥人太平興國中進士直史館歷右司諫京東轉運使後坐事貶連州鉉文

辭敏麗有文集二十卷又采唐人文章爲文粹百卷淳化中春日苑中釣魚宴鉉詩先成有花枝令濺昭陽雨釣線斜牽太液風賜白金百兩時比奪袍之榮

姚坦

宋字明白六宗時爲皇子翊善王嘗邸中營假山費數百萬召賓僚共觀之坦獨俛首王

強使視之曰此皆民租所爲但見血山耳安得假山

姚宗明

宋河中永樂人其十世祖棲雲以父死于邊終身廬墓唐時表其門棲雲生岳岳生君儒

君儒生師正四世皆廬墓至宗明十世同居

夢孫中復其家是後又三世同居孝睦不替

姚 兕

宋王原人少實學及知少學兵部爲理
慶巡檢屢敗夏人擒兕章積官至通州團練

使兕幼失父事母凡圖畫器用皆刻仇讐未報
字弟麟亦有名累官至定武軍節度時號二姚

姚 嗣宗

宋慶曆中題詩于驛壁云踏碎賀蘭石掃清
西海塵布衣能辨此可惜作窮人韓魏公見

而奇之遂奏補後
知尋州能除虎暴

姚 闢

宋字子張瞻辭博學授項城令通州判所至
有聲黜去詞華寃心經術一時名士歐文忠

主荆公輩皆與交游所著
有太常因革禮一百卷

姚 易

宋字夢錫浦城人元豐中進士歷開封推官
里人何述時爲府尹每遇休沐輒相與觴咏

酬唱甚多有

畢集十卷

姚孝錫

宋字仲純豐縣人政和四年登科調代州兵曹金兵入鴈門州將議以城降官屬畏懼投

死無所孝錫投牀大斲略不爲意後注五臺簿因家五臺善治生州境歲饑出家所藏粟一萬石賑貧乏多全活自號醉軒年八十三乃終所著有雞肋集

姚興

宋相州人以武功累遷荆湖南路兵馬副都監金兵渡淮興以四百騎當金八十萬自辰

至午戰數十合援兵不至父子俱死金人相謂曰有如姚興者十輩吾屬敢前乎事聞詔贈觀察使更謚忠

毅立廟祀之

姚平仲 年過九十紫髯委地與譙定為青城隱士

姚瀛 宋字子山福安人七歲能誦班史十七歲應舉居太學以文章著名隆興初第進士凡四

任教官嘗辯太玄通潛虛之數所著有鳳臺集行于世

姚希得

宋字逢源潼州人嘉定進士累官叅知政事忠貞清儉好引用善類屢抗疏直言以潼川

郡公致仕卒贈少保所著有續言行錄及橘洲文集

姚

雄

宋巫原人初為將以女議定一塞主之子寨主病故妻及子皆流落後雄為邊帥赴闕奏

計遇一姬浣衣見其有士人家風問所從來姬曰昔良人守官邊寨有將姚姓者許以女歸妾

子今夫既喪無以自存方貨餅餌以自給姚曰
雄是也女自許歸別有求婚某竝不允日夜墮
婿來豈敢以父之存沒爲間邪嫗感泣氣咽不
語久之雄留嫗併其子俱載還鎮遂畢其禮

姚

勉

宋字成一號雪坡新昌人宋寶祐中朕元及
第廷對萬言爲文章數千言頃刻可就有雪

坡集行世除太子舍人與胡仲雲劉
元高黃夢炎號錦江四俊後皆顯宦

姚

獬

孫

宋字應獬慈谿人宋未舉鄉薦補國子助教
正身率下勤於啟迪改學錄父敷前爲國子

司業諸生稱爲東南遺老獬繼之人以爲世典
成均善其職尤所罕者獬博學清介爲文本家

傳皆以蘇氏擬之及元混一不屑于仕卽退

隱雙峰別墅所著有雙峰文集詩稿行于世

饒

平陽人音又
聖出臨川

饒廷直

唐南城人第進士嘗過武昌游黃鶴樓忽遇異人授以祕訣自是不通妻妾蕭然端居後

爲鄧州通判卒其柩還鄉
昇者覺其輕蓋尸解去

饒子儀

宋字元禮臨川人九歲能詩力學不倦王安石
石多所論薦子儀獨不爲屈崇寧中以經明

行脩錫命於朝司諫陳瓘閱其所著編年史
要爲之序又有周易論語解及詩文甚多

饒

幹

宋字廷老邵武人淳熙二年第進士調知長
沙縣適朱熹爲守幹夙興治事暇卽聽講後

知懷安軍卒有爲之銘曰能磨琢而器吾之玉
乎則心皇皇如不足能烜赫而丹吾之轂乎則

足縮縮如不欲故樂也不加若性不污也不懼其辱是欲善學朱氏者蓋不惟其名而實之篤

饒

魯

宋字伯與饒州人幼從黃榦遊性行端謹學術精明累薦不起號雙峰及卒門人私謚文

元先生所著有五經講義論孟紀聞春秋節傳庸學纂述等集行于世

饒

節

宋字德操工詩宗山谷與陳無已等二十五人爲法嗣呂居仁作江西傳衣詩派圖節

始亦婚宦之意未絕嘗令其僕如琳守舍歸見其占對異常怪問之僕曰守舍無所用心聞鄰寺長老有道僕往請一轉語忽爾覺悟身心泰然無他也德操慨然曰汝能是我乃不能邪徑

往白崖問道八日而悟盡發囊橐祝髮爲浮屠遍參諸方至折樂靈隱山川因挂錫焉德操號

高邁名倚松集

焦

中山角音周武王封神農之後于焦子孫因爲氏焉又望出廣平馮翊

焦延壽

漢字贗少黃令辯別姦細愛養吏民化行郡中舉最當遷民詣闕留之詔增其秩元帝朝

爲三老延壽從孟喜學易授之於京房分六十四卦分更直日用事以風雨寒暑爲候京房尤精其術延壽歎曰得我道以亡身者必京生也後房果羅禍

焦

先

漢字孝然河東人漢末隱居京口結草爲廬號蝸牛廬呻吟其中後野火燒之乃露寢雪

中袒卧百餘歲卒皇甫謐稱其棄榮味釋衣裳擴然以天地爲棟宇羲皇以來一人而已蔡

為之作贊 今鎮江焦山因先隱此遂以名山

焦

度

南北字文續南安郡人祖文珪避難仇池宋元嘉中父明與千餘家隨居襄陽度少有氣

幹便弓馬沈攸之反度守郢城有功嘗于城上罵辱攸之人呼其樓為焦度樓官終遊擊將軍

焦

遂

唐口吃醒若不能言醉後應答如響飲中八仙歌云焦遂五斗方卓然高談雄辯驚四筵

焦

蹈

宋無為人四次鄉薦皆首選元豐中因禮部貢院火別試蹈為第一有詩云不因南省火

安得狀元焦放

榜方六日而卒

焦

煥

宋六安人紹定間進士第一弟兩亦武舉第一詩人榮之

焦干之

所呂申公公著見而敬之招延便教諸子希

哲等諸子稍有過差干之端坐召與相對終日
竟夕不與之語諸生恐懼畏伏干之方霽辭色

譙

譙國曹大夫食
采于譙因氏焉

譙

玄

漢字君黃閬中人成帝朝以對策拜諫議歷
奉谷令及王莽居攝易姓名而歸公孫述連

聘不起遣使者以毒藥劫之太守自詣玄廬勸
之行玄曰保高全尚死亦奚恨遂受毒藥玄子
瑛泣血叩頭於太守願奉家錢千萬以贖父死
太守爲請述許之光武平蜀玄已卒祠以中牢
勅所在還

其家錢

○
譙

周

三國字允南廣安人號古篤學研精六經明
天文仕蜀漢爲光祿大夫所著有定詁訓五

經綸古史考行于世孫秀字元彥知天下將

亂預絕人事不與親故相見桓溫薦于朝以秀

年老道遠故不徵勅所在四時存問後避難宕

渠鄉里依之者以百計秀年八十衆人欲爲之

負擔秀曰各有老弱當先營護吾力猶足自

堪豈以垂老之年勞諸君也後九十餘卒

譙

定

宋涪陵人少喜學佛後至汴學易於程頤頤
貶涪定又從之遊靖康初名爲崇政殿說書

以論不合辭不就高宗立定猶在汴詔詣行在

將用之會金兵至定復歸蜀隱青城山蜀人敬

之稱曰譙夫子云

自虎音凌居七

齊大夫豎刁之後

間漢前貨殖傳齊俗賤奴虜間獨愛貴之桀點
奴人之所患惟刁間收取使之逐漁鹽商賈

之利起
數千萬

刁協晉字元亮渤海饒安人少好經籍博聞強記
累官尚書左僕射元帝南渡初朝廷艸創憲

章未立協歷練舊章凡所制度皆資于協王敦
構逆協出督六軍至江乘爲人所殺元帝收

用賢俊百餘人謂之百六掾協與焉子彝字

大倫少遭家難王敦誅後彝斬仇人黨以首祭

父墓自詣廷尉請罪朝廷宥之由是知名歷官

徐亮二州刺史彝子達廣州刺史暢冀州刺

史弘始

與相

刁

冲

南北字文朗十三而孤雖家世貴達而身自
炊爨勵志向學不舍晝夜殆忘寒暑通諸經
凡陰陽圖緯算數天文風氣之書無不該
綜當世服其精博魏宣武徵爲功曹主簿

刁

約

宋字景純康定中與歐公同在館閣脩禮書
後直史館浩然有山林志掛冠而歸築室潤
州號藏春塢日游息其中東坡題云
年拋造化甄陶外春在先生杖屨中

晁

京兆角音周景王子朝之後晁
亦作晁衛大夫史晁亦爲氏

晁

崇

南北字子業善天
文術數拜太史令

晁

迥

中丞真宗在東宮諭德楊礪稱其學行真宗
稱爲好學長者景祐中爲翰林學士詔令多出
其手以太子少保工部尚書致仕年八十一召
燕太清樓訪以洪範雨暘之應謚文元迥善吐
納養生之術性樂易寬簡服道履正歷官蒞事
未嘗挾情害物所著有翰林集三十卷道院集
十五卷法藏碎金十卷行于世迥子宗慤以
父廕爲祕書省校書郎召試賜進士及第康定
中爲翰林學士一夕艸將相五制父子掌誥褒
揚訓戒人得所宜歷資政殿

學士工部尚書卒謚文莊

晁仲詢

宋字芻民宗愿之子性穎敏黃魯直一見奇
之贈篇有云歎君豪甚倚天劒五試禮部不

奏名退居任城事親而樂公燕四方賓客不間於三日又勤施遠近不顧室中有無人皆嘆德字難窺仲詢風儀凝重不妄言笑一喜怒猶儼若子三人端規端矩端準

晁端彥

宋字叔美仲衍之子說之之父也與章子厚

同生乙亥同榜及第又同爲館職常以三同相呼紹聖初子厚入相叔美見其施設大與在金山時所言背因竭力諫之子厚怒黜爲陝守美叔謂所親曰三同今百不同矣歷祕書少監開府儀同三司文章字法朝野宗尙子說之字以道文元公玄孫少日激昂刻意經術墓司馬文正自號景遷登進士年未三十蘇子瞻以文章典麗可備著述科又薦公於朝以爲自得之學不踐陳述元符中以黨籍攷斥不許入國

精於易傳所著有客語等書行于世 說之弟
詠之少有異材東坡爲楊州時詠之兄補之爲
倅以詠之詩獻坡坡曰有才如此獨不令一識
面乎後謁坡坡挽而上之謂坐客曰此奇士也
後舉宏詞第一元符末以黨籍廢斥公天才英
特爲文章立成明潤密緻宮終左大中大夫子
四人公道公昂公逸公肖 詠之兄補之字無
咎宗慤曾孫才氣飄逸嗜學不倦十五以詞賦
謁蘇軾軾嘆賞久之曰可以閣筆矣舉進士以
禮部郎中知泗州雅慕陶元亮葺歸來園自號
歸來子忘情仕進在楊州時與蘇東坡唱和東
坡嘗稱其爲風流別駕所著有雞肋集百卷行
于世 詠之孫子真字點仲居撫州爲人雅靜

重道練世故以耆年賜爵迪功郎拜恩已

卽卷衣冠藏之自號清谷居士子百谷

晁冲之

宋字叔用少有才華受知于後山呂居仁江西詩派圖二十五人冲之與焉有詩云男兒

更老氣如虹短髮何嫌亂似蓬欲問桃花借顏色未甘著笑向東風紹聖初落黨中公超然家

於具茨之下屢薦

不應有具茨集

晁公遡

宋字子四紹興八年進士公遡有絕人之資承五世文獻之傳憑厚積深故其文雄深雅

健鉅麗俊偉以是擅名

于時歷官朝奉大夫

晁公諤

宋端義之孫資性穎異少能克紹家訓篤於孝文嘗割股以起母病以叔謙之恩補將仕

郎歷廣昌令公謨宦情素薄臨事不苟守正不撓爲時所稱

晁元忠

宋能詩山谷答書云未識足下之面而得足下之詩興趣深遠鬱然類騷又詩云著

書蓬蒿底端

有古人風

晁伯宇

宋字鎖庭中進士第黃魯直嘗薦之于蘇子瞻子瞻曰伯宇詩騷細看甚奇麗信乎其家

多異才也雖然凡文至足之餘溢爲奇偉今晁文涉奇似太早可作切磋之語以告之非謂其偉也恐傷其邁往之氣耳官封

丘丞所著有封丘集行于世

橋

黃帝塋橋山子孫守塚因爲氏望出梁國

橋

庇

周魯人
明易學

橋

仁

漢從大戴禮註禮記四十九篇號橋君學小
戴以博士論石渠授禮記於梁人橋仁楊榮

於是有橋楊之學漢

武帝時為大鴻臚

橋

玄

漢字公祖睢陽人見曹操而異之曰安人之
主也操後經玄墓祠以斗酒隻雞感其相知

也建寧中為司空遷太尉二女皆國色孫策納

大橋周瑜娶小橋策謂瑜曰橋公二女雖流離

得吾二人為

婿亦足為懽

喬

梁國角音本作橋其後有去木為
喬者又云匈奴貴姓又望出焉翊

喬智朗

晉字元達鮮卑前部人仕晉爲隆慮令以德行著稱人號曰神君

喬順

南北二子隱湘州棲霞谷服飛龍藥二十年不饑宋文帝詩云西山有仙童不飲亦不食

喬行簡

宋字壽明東陽人登紹熙進士端平間累官左右丞相與鄭清之同心革弊召用善類進

少傅封益國公尋求去除少師以魯國公致仕卒謚文惠

喬大臨

宋政和間爲海鹽令時平江朱勔以花石得幸其蒼頭至海鹽甚橫大臨追逮杖十餘人

坐是罷官

士論高之

喬同

宋學道年八十益壯蘇東坡贈以詩有上山如飛嗔人扶之句

喬執中

宋以經術教授與孫莘老秦少游齊名號三賢

苗

東陽羽音楚大夫伯棼之子賁皇奔晉
晉又與之苗因氏焉墜出止黨濟陰

苗金符

晉撰古今通要四卷

苗蕃

唐少喪父受業于母夫人第進士韓愈爲作墓誌銘有云有行以爲本有文以爲華終太

原叅

軍

苗發

唐大曆中十才子中人

苗訓

宋河中人善天文占候之術周末以散指擲使從宋太祖北征視日上復有一日久相摩

馮指謂楚昭輔曰此天命也後累官檢校工部尚書子守信知算造乾元曆累官至司天少監

苗再成

宋不知何許人守真州慷慨有大志德祐二年文天祥亡入真州再成延入城定計抗元

兵後城陷

不屈而死

銚

穎川見姓苑

銚

期

漢穎川邠人父猛為桂陽太守卒期喪三年鄉里稱之期容顏絕異矜嚴有威光武略地

穎川召署掾後為鄧禹裨將所至有功封安成侯後拜衛尉期重信義自為將有所降下未嘗擄掠在朝憂國憂民能犯顏諫諍雲臺二十八將期其一也卒謚忠侯子二人丹純俱封侯

堯

上黨角音帝堯之後支孫以爲氏

堯

須

晉撰驚擊錄一卷

堯

暄

南北字辟邪長于人美容貌爲千人軍將太武以其恭謹擢中散後爲東道十三州使

暄孫雄字休武少驍果輕財重氣爲燕州刺史平城縣伯時官司相與聚斂惟雄義然後取接下以恩甚爲吏民所懷思子師儀同三司

堯君素

隋湯陰人仕爲擊鷹郎將從屈突通拒唐師於河東爲木鷲係表於頸浮之黃河河陽守

得之達於東都唐太宗詔曰桀犬吠堯有乖倒戈之志疾風勁艸實表歲寒之心又節義序論

白盛烈所著與河海以爭流

峻節所標共竹松而俱茂

堯允恭

宋字克遜海陵人景定咸淳兩領鄉薦宋亡專意經傳邃于易深得性命之理江浙行省

兩檄克濂溪東川書院長允恭皆不赴安貧樂善學者皆從游自號觀物老人大司農燕公嘗稱其古心絕俗清氣逼人

人有詩文二十卷

要

魯郡羽音

要

離

周刺客也吳公子光殛殺王僚憂其子慶忌在隣國問計于子胥子胥進要離離曰吾詐

負罪出奔殺吾妻子且出怨言慶忌必信光乃戮其妻子于市且出怨言聞于諸侯離見慶忌

于衛言計而喜與之俱渡江至吳地乃投慶忌
于水三淬其頭慶忌謂左右曰莫殺之令還吳
以旌其忠離至
江陵伏劍以報

要

珍

唐朔方
大將軍

昭

楚之公族姓苑
云屈原之後

昭奚恤

周爲楚將昭王問江乙曰北方之人畏昭奚
恤何也對曰虎得狐欲啖之狐曰無啖我天

帝命我長百獸若不信隨我後以觀百獸見虎
皆走虎不知畏已以爲畏狐也北方非畏奚恤

實畏王之

甲兵也

昭

陽

周楚懷王五國約伐秦陽曰五國若破秦必南圖夫韓輔國也以利其心必悉兵

以拒之五國可敗王從之復陽將兵伐魏於襄陵得八邑封上柱國

招

璽出南海晉步招之後以名爲氏

招

父

周魯僖公十七年夏晉太子圉爲質於秦秦歸河東而妻之惠公之在梁也梁伯妻之梁

嬴孕過期卜招父與其子卜之其子曰將生一

男一女招曰然男爲人臣女爲人妾故名男曰

圉女曰妾及子圉

西質女爲宦女焉

聊

川

○ 聊

蒼

漢侍中著
書號聊子

○ 聊

謀

漢潁川太守
著萬姓譜

○ 鄒

太原趙大夫食采深澤鄒
邑因氏焉又望出鉅鹿

○ 鄒

單

周字子家
孔子弟子

○ 朝

朝見
之朝

○ 朝景煥

南北撰野人
閑話六卷

尚友錄卷六

終

尚友錄卷七

閩綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

張任鄭 若虔

孫 校正

張任郎 夢選

三看

包

上黨羽音楚大夫申包胥之後以字為氏又望出丹陽

包

咸

漢字子良會稽人客于東海為赤眉所得晨夜誦經自若賊異而遣之光武中興歸鄉里

舉孝廉除郎中入授太子論語累遷大鴻臚明帝即位以咸有師傅恩特加賜俸祿咸皆分給

與諸生之貧者

包

融

唐吳興人有才名制科擢第官至集賢學士與賀知章張旭張若虛齊名號吳中四士子

二人何起居舍人信刑部侍郎

包

拯

宋字希仁廬陵人今奉進士第嘗為郡守不少屈法以狗鄉曲吏事推為第一知開

封府貴戚宦宮爲之斂手吏民不敢欺童稚婦女亦知其名呼曰包待師爲之語曰關節

不到有閻羅包老以其笑比黃河清焉擢御史中丞時東宮久闕儲嗣未定拯言東宮虛位日久天下以爲憂夫萬物皆有根本而太子天下之根本也根本不立禍孰大焉帝曰卿欲誰立拯曰臣非才備位所以乞豫建太子者爲宗廟萬世計爾臣年七十且無子非邀後福者帝喜曰當徐議之累官樞密副使爲人峭直剛毅惡吏苛人雖嫉惡如仇而未嘗不推以忠恕與人不苟合不僞辭色以悅人平生無私書故人親黨干謁一切絕之其飲食服用善儉朴雖貴如布衣時卒贈禮部尚書謚孝肅有奏議十五卷

包天麟

宋字仁甫江陰人咸淳間舉博學宏詞科嘗注詩書易春秋年八十三手不釋卷子二人

植櫟俱

登科

包

整

宋涇縣人少嗜學好義家貯書爲萬卷堂子三人泰明廸功郎泰亨充解泰南劔州劔浦

縣丞兄弟義聚八十餘年有靈

芝產其堂人名其堂曰芝堂

包

瑜

宋字希賢由舉人仕教諭致仕歸淮王幣聘脩書一時知遇進講便殿賜坐所著通鑑事

類一百二十一卷左傳事類四十卷王闕之甚喜遂梓行于世居七年告歸投老林下撰韻府

續編一百二十三卷春秋講義周易演義讀

史六事讀書備忘稽古齋集諸書藏于家

包

鼎

宋宣州人以
畫虎名家

茅

東海商音周公第三子茅叔封茅國
子孫以國爲氏又望出陳留晉陵

茅

濛

周字初成咸陽人博學深鑒知周室將衰不
求仕進歎曰人生若流電爾奈何久迷塵寰

中於是師鬼谷先生受長生之術遂入華山脩
煉秦始皇三十九年九月庚子乘龍白日昇天
先是邑人謠曰神仙得者茅初成駕龍上昇入
太清時下玄州戲赤城繼業而往在我盈帝若
學之臘嘉平秦始皇聞之因改臘爲嘉平玄孫
盈固衷三人皆得仙居茅山濛玄孫盈字叔
中弟固字季偉次弟衷字思和盈生于漢景帝
中元五年少秉異操獨味清虛年十八遂棄家

茅

焦

秦齊人聞始皇遷太后於雍下令敢諫者死

諫而死者二十七人焦請諫王大怒按劍而

入恒山脩道餌米得見王母授以太極玄真之

經父怒其久出欲杖之盈跪曰盈已受聖師符

籙有天兵侍衛大人行杖恐天兵相阻恐加罪

重父欲驗其言故杖之杖折數十段父始悟其

道成宣帝初元四年辭別家人親友乘雲冉冉

而去時弟固爲武威太守哀爲西河太守聞兄

飛昇皆棄官還家求兄于東山盈乃教二弟延

年不死之法後亦成仙居茅山世稱三茅真君

坐口正沫出趣召鑊欲烹之焦徐行至前謁起

稱曰臣聞有生者不諱死有國者不諱亡死生

存亡聖主所欲急聞也陛下有狂悖之行四不

自知邪車裂假父囊撲二弟遷母於雍殘戮諫

士桀紂之行不至於是令天下聞之盡瓦解無
向秦者臣竊爲陛下危之言已乃解衣伏質王
下殿手接之爵以上卿自駕虛左方迎太后歸
復爲母子如初太后大喜曰天下亢直使妾母
子復相見者茅君之力也楊子曰茅
焦歷井幹諫秦王可謂廟虎牙矣

茅

容

漢字季偉陳留人年四十餘耕於野避雨樹
下衆皆夷踞容獨危坐愈恭郭林宗見而異

之因留寓宿旦日容設雞爲饌泰意謂爲已設
旣而供母餘半皮置自以艸蔬與客共飯林宗
曰卿賢哉遠矣郭林宗猶減三牲之具以供賓
旅而卿如此乃我友也起對之揖因勸就學

茅炳靈

唐陳留人大曆
中登第工詩

茅

相

宋丹徒人慷慨有大志宋末急於用人以陸秀夫薦除兵部侍郎從之海上元兵勢逼同

帝赴海而死

茅

革

宋全椒人仕爲貴池令民有兄弟訟田者革爲垂涕說之曰同生當相撫以恩義兄弟感

泣而去其後革五

子皆進士及第

茅知至

宋仙遊人操尚介潔不求聞達築廬隱於縣之西山下頻以六經教授鄉里蔡襄甚愛重

之景祐中龐籍以德行薦補州學教

授有周詩義二十卷至性書三卷

茅信卿

宋泰州人四世同居舉家百餘口每旦家長坐堂上卑幼各以序立拱手聽命分任以事

畢則復命其有怠惰輒鞭辱無有怨言雖祁寒盛暑亦如之州守霍仲順聞于朝旌表其門曰

四世孝
義之門

巢

彭城商音有巢氏之後封于巢子孫以國爲氏又望出魯國

巢

父

上古堯時隱人也山居不營世利年老以樹爲巢寢其上故時人號曰巢父堯讓天下于

巢父巢父曰君之牧天下猶予之牧犢無用天下爲乃過清冷之水洗其耳曰向聞貪言汚吾耳也堯以天下讓許由由以告巢父巢父曰汝何不隱汝形藏汝光若非吾友也擊其膺而下之由悵然不自得遂去終身不相見

巢元芳

漢著
病源

巢猗

南北國子助教撰尚書
義十卷尚書音釋三卷

巢谷

宋字元聲眉山入傳其父中學舉進士谷素
多力棄其業學古兵法游西邊與河州將韓

存寶善後存寶坐罪死谷逃避江淮間曾赦乃

出蘇軾蘇轍謫嶺南谷往循訪轍又欲往海南

訪軾至新州病死轍聞哭之失聲曰谷於朋友

之義無所不厚惜其不遇襄子而前遇存寶後

遇子

兄弟

膠

商末賢人
膠鬲之後

○
膠蒼
漢武帝時與朱買臣嚴助終軍司馬遷之倫皆辯博暢達溢于文詞

四豪

高

渤海齊太公六代孫文公
子高孫侯以王父字爲氏

高

柴

周字子羔衛人齊人敬仲侯十代孫也少孔子三十歲爲魯成宰成人有其兄死而不爲

哀者聞子羔將至遂爲哀成人曰蠶則績而蟹有匡范則冠而蟬有綏兄則死而子羔爲之哀子羔葬其妻犯人之禾申祥以告曰請庚之子羔曰孟氏不以是罪予朋友不以是棄予以吾爲邑長於斯也買道而葬後難繼也子羔仕於衛爲士師別人之足有崩躓之難子羔出

走郭門別者守門焉謂子羔曰於彼有缺子羔
曰君子不踰又曰於彼有竇子羔曰君子不隧
又曰於此有室子羔乃入焉旣而追者罷子羔
將去謂別者曰吾不能虧主之法而親別子之
足吾今在難正子報怨之時而逃我者三何哉
別者曰斷足固我之罪者昔公之治臣也傾側
法令先後臣以法欲臣之免於法也臣知之獄
決罪定臨當論刑君愀然不悅見於顏色臣又
知之君豈私臣哉天生君子其道固然此臣之
所以悅君也孔子聞之曰善哉爲吏其用法一
也思仁恕則樹德加嚴暴則樹怨公以行之其
子羔乎自見孔子出入於戶未嘗越履往來過
之足不履影啟蟄不殺方長不折執親之喪泣
血三年未嘗見齒君子以其爲難慕在沂西南

一百三十里一在陽穀縣

唐贈共伯宋封共城侯

高漸離

周燕人善擊筑同荆軻入秦刺秦王軻死漸離後以擊筑得幸置鉛筑中撲秦王爲軻報

仇不中

被殺

高堂

漢魯人官博士以禮書七十篇授瑕丘蕭奮奮以授后蒼蒼以授戴德戴聖言禮多宗之

高恢

漢字伯達京兆人少治老子恬虛不營世務與梁鴻善隱于華陰山中及鴻東游二人遂

不復相見恢高抗

匿耀終身不仕焉

高相

漢沛人治易亡章句專說陰陽災異其學自言出于丁將軍

高

鳳

漢字文通葉縣人少耽學家以農爲業妻嘗之田曝麥于庭令鳳護雞時天暴雨鳳持竿

誦經麥爲潦水所漂妻還怪問鳳方悟晝夜讀書不息遂成名儒元和間教授西唐山中不應

徵辟隱身

漁釣而終

高

獲

漢汝南新息人游學京師與光武有素師事司徒歐陽歙歙下獄當斬獲帶鉄鑕詣闕爲

請光武謂曰朕欲用子宜改常性獲對曰臣受性于父母不可改之于今遂辭去三公爭辟不

應獲善天文遁甲能

役鬼神所言多驗

高

頤

漢與弟君實子文玉俱有才行一門三舉孝廉

高

彪

漢字子武無錫人舉孝廉第一除郎中校書東觀數奏賦頌奇文因事諷諫靈帝異之遷

內黃令有德政靈帝詔

東觀畫彪像以勸學者

高

允

南北字伯華渤海蓆人漢太傅褒之後少有奇度仕魏爲郎授太子經命與崔浩同脩國

中及浩被收事連及允太子入言高允小心慎

密且制由崔浩請赦允死魏主問曰國書皆浩

所爲乎允曰臣與浩共爲之浩總裁而已著述

臣多于浩魏主怒曰允罪甚于浩何以得生太

子懼曰天威嚴重允迷亂失次耳臣問彼言皆

浩所爲魏主問信如東宮所言乎允曰臣罪當

族不敢妄殿下哀臣欲救其生耳魏主曰直哉

此人情所難遂赦之太子讓允曰吾爲卿脫死

而卿不從致激帝怒每念使人心悸允曰前修國記臣與浩實同其事違心苟免非臣所願也太子動容稱歎魏主敬重之呼爲令公而不名游雅常曰余與高子處四十餘年未嘗見其喜愠之色且內文明而外柔順必爲一代偉器

中常侍宗愛用事威振四海王公望庭趨拜允獨升階長揖其矯矯風節人不可及累官中書令爵咸陽公允雖寵貴家貧自如魏主常幸其第惟草屋數間布被緼袍廚中鹽菜而已帝曰古人清貧豈有此邪加光祿大夫卒年九十八

高

間

南北漁陽雍奴人博通經史下筆成章仕魏

爲中書監歷官中書令給事中凡國家詔令

頌贊之類皆出其手其文章

與高允相上下時稱二高

高道穆

南北仕魏爲中尉魏主姊壽陽公主犯清路道穆擊破其車公主泣訴之魏主曰中尉清

直豈可以私責之道穆見魏主魏主勞之

道穆免冠謝魏主曰朕愧卿卿何謝也

高

歡

南北爲函使至洛陽見張彝之被羽林虎賁焚死還家傾貲以結客或問其故歡曰宿衛

相率焚大臣之第朝廷懼而不問爲政如此事

可知矣財物豈可常守乎劉貴見而奇之薦于

爾朱榮榮廐有悍馬命歡剪之歡不加羈絆而

剪之竟不蹄齧起謂榮曰御惡人亦猶是矣榮

大悅自是每叅軍謀河北大使高乾以冀州迎

歡聞爾朱兆弒敬宗起兵討兆滅之爲大丞相

封渤海王歡性深密終日儼然人不能測機權

之際變化若神馭軍旅法令嚴肅聽斷明察不

可欺犯文武咸樂爲用臨終謂世子澄曰侯景常有飛揚跋扈之志非汝所能馭也唯慕容紹宗能制之我故不貴之留以遺汝軍旅大事宜共籌之後景竟如歡所料子二人澄洋歡子

澄仕魏爲吏部尚書始改崔亮年勞之制銓擢賢才智能之士皆引于門下與之共政遣使通好于梁爲蘭京所殺澄弟洋封太原公內明決而外若不慧衆皆嗤鄙之獨歡異之謂長史薛琚曰此兒識慮過吾非凡器也幼時歡嘗欲觀諸子意識使各治亂絲洋獨刀斬之曰亂者必斬及兄澄被殺內外震駭洋指麾部分入討群賊斬而鬻之大會文武神彩爽暢言辭敏給衆皆大驚澄政令有不便

者洋皆改之人心始定

高季式

南北為濟州刺史濮陽民為盜季式討擒之
又擊陽平賊平之或謂之曰盜不侵境而使

私軍遠戰萬一失利豈不獲罪乎季式曰君何其不忠也我與國家共安危以此獲罪何恨焉

高

岳

南北齊人深沉有氣量嘗寓洛陽北齊神武
每使入洛必止岳舍岳母山氏嘗夜見神武

室中無火有光詣十者筮遇乾之大有占者曰
貴不可言山氏歸報神武神武後起岳于信都

封清

河王

高

構

南北字孝基北海人仕為雍州司馬有能名
徵拜吏部侍郎見房玄齡歎曰僕閱人多矣

未有如此郎者異日必為偉器恨不見其大成
耳見杜如晦曰君有應變之才必任棟樑之重

俱以子孫託之論者

謂其有知人之鑒

高

昂

南北字敖曹龍準豹頭姿體雄異少不遵師教專事馳騁每言男兒當橫行天下自取富

貴誰能端坐讀書作老博士也其父嘗曰此兒不大吾門當滅吾族比齊神武以爲西南道大都督渡河祭河伯言曰河伯水中之神高敖曹地上之虎

高

頴

隋字昭立齊人父賓都州刺史頴有器局善詞令文帝伐陳頴爲元帥以功封齊國公帝

命頴與賀若弼論功頴曰弼獻十策苦戰破賊臣文吏耳焉敢與之論功帝嘉其有讓龐晃等

短頴于帝帝怒黜之謂頴曰公猶鏡也每被磨

瑩皎然益明頴爲業討引隹縣或等皆一持

名士當朝二十年朝野推服
物無異議論者以爲真宰相

高儉

唐字士廉勸之子敏慧有度量觀書一見成誦武德中爲右庶子進益州大都督長史設

條教督勵風俗又興學校決渠溉田入爲吏部尚書封許國公右僕射三世居此官世榮其貴所著有氏族志

高季輔

唐名馮以字行蓀人母喪以孝聞貞觀初拜監察御史彈劾不避權貴轉中書舍人數上

書言得失太宗賜鍾乳一劑曰而進藥石之言朕以藥石相報後爲吏部侍郎善銓敘人物又賜金背鏡一况其

清鑒卒謚曰憲

高

適

唐字達夫一字仲武滄州人玄宗時舉有道科官至諫議大夫負氣敢言權近側目出爲

蜀彭州刺史卒適尚節義以功名自許政尚寬簡民多便之年五十始爲詩卽工每一篇出好

事者輒

傳布

高

定

唐郢之子早辯慧七歲讀尚書至湯誓跪問父曰奈何以臣伐君郢曰應天順人對曰用

命賞于祖不用命戮于社是順人乎郢大奇之仕至京兆府參軍

高

叡

唐京兆人舉明經拜趙州刺史聖曆初突厥圍之長史反應突厥叡與妻奉氏詒死虜輿

至突厥突厥以金獅子帶紫袍示之曰降則拜

官不降則死叡顧其妻妻曰酬國報恩正在今

日遂瞑目不言再宿虜
殺之贈尚書謚曰節

高仲舒

唐通訓謁學擢明經開元初宋璟蘇頲當國
多咨訪焉璟等嘗謂人曰欲知古事問仲舒

欲知今事

問齊幹

高蟾

唐累舉不第作詩云天柱數脩搆白日天門
幾扇鎖明時陽春發處無根蒂須仗東風次

第吹上主司侍郎云天上碧桃和露種日邊紅
杏倚雲栽芙蓉生在秋江上不向東風怨未開
明年李昭知

貢舉及第

高崇文

唐幽州人七世不異居旌表門閭憲宗時崇
文爲神策行營節度使劉闢以蜀叛杜黃裳

薦其才詔崇文統兵討之戰於鹿頭山八戰皆捷刻石紀功封南平郡王子承簡除澱州刺史有惠政吏民

皆愛戴之

高霞寓

唐五世不異居建中初旌表其門後從崇文伐蜀以功封感義郡王

高言

唐字明道倜儻豪偉不守小節每風月佳時賓客宴集酒酣氣壯慷慨浩歌嘗曰使我當

高光時萬戶

侯何足道哉

高駢

唐字千里懿宗時事朱叔明爲司馬有二鵬竝飛駢曰我且貴當中之一發貫二鵬焉衆

大驚號爲

客鵬詩卸

高行周

五代周世宗時屢官爲天平節度使行周不

平居與賓僚宴集侃侃和易人以是重之子

懷德倜儻武勇性坦率不拘小節嘗從世宗討

北漢南唐皆克捷累官侍衛馬軍都指揮使宋
初從太祖征澤潞及揚州以功領節鎮加同平

章事太宗時

封冀國公

高

瓊

宋濠州人少勇鷙太宗召至帳下及卽位擢
御龍直指揮使積戰功累官保大軍節度鎮

州都部署眞宗時爲殿前都指揮使帝幸澶淵
寇準力贊過河衆議不決瓊仰奏曰請如寇準
之言時馮拯在旁呵之瓊怒曰君以文章致位
兩府今虜騎充斥如此君何不賦一詩退虜邪

卽麾衛士進輦帝遂渡河以功進檢校太尉封
衛國王卒謚烈武瓊不識字而曉達軍政有子
十四人皆
訓以詩書

高若訥

宋字敏之榆次人徙衛州進士及第累官樞
密使皇祐中罷爲觀文殿學士尚書左丞卒
謚文莊若訥強學善記該通群籍
頗明歷學醫書有文集二十卷

高

懌

宋字文悅荆南人季興四世孫年十三能文
通經史百家從种放受業之長安寇準薦不

起及范雍建京兆府學召懌講授諸生席間常
數百人仁宗時命爲大理寺評事懌固辭賜號

安素

居士

高元之

宋字端叔鄞人瓊七世孫建炎間衣冠南渡父寓籍明州因家焉家貧無書得易編口誦不輟數日忘盥櫛鄰士怜之稍借之書後受易春秋學于沙隨程迥時傅伯成爲郡教授少許可折節與之交繇是鄉學者數百人師事之元之作變騷九篇曰愍畸志曰臣薄才曰惜成日感回波曰力敵曰危衷曰悲嬋娟曰古誦曰繹思行于世宋儒擬騷弗能及也集春秋說三百餘家號義宗悉本經旨凡百五十卷易詩論語後漢歷志解各一卷詩三千雜著五百號茶井甲乙稿五上禮部卒不第將死手屬書樓鑰人號萬仞先生

高

曇

宋字子雲長溪人紹興末舉進士孝宗朝爲太學博士奏疏言訓練上兵久任帥守上曰

卿老成歷練無高論以相詭譎其言皆可用翌
日語宰執以爲然遷祕書著作郎兼皇孫平陽
府教授再對便殿悉當上意曇旣出上目送之
及門乃起嘗脩乾道會要轉朝散郎有易說并
詩文二

十卷

高

登

宋字參光漳浦人爲太學生靖康中與陳東
等上書乞斬蔡京等六賊廷臣建和議奪种

師道李綱兵柄登書五上不報紹興初廷對上
疏萬餘言秦檜惡其譏已編管容州所著有東

溪集學者稱

爲東溪先生

曹

譙國角音顓頊玄孫陸終第五子爲曹氏
又文王第十三子辰澤封曹亦爲曹氏

曹

歲

周魯人以勇力聞莊公十年魯師與齊戰歲請見其鄉人曰肉食者謀之又何間焉歲曰

肉食者鄙未能遠謀乃入見問何以戰公曰衣食所安弗敢專也必以分人對曰小惠未徧民弗從也公曰犧牲玉帛弗敢加也必以信對曰小信未孚神弗福也公曰大小之獄雖不能察必以情對曰忠之屬也可以一戰戰于長勺公將鼓之歲曰未可齊人三鼓歲曰可矣齊師敗績公將馳之歲曰未可下視其轍登軾而望之曰可矣遂逐齊師既克公問其故對曰夫戰勇氣也一鼓作氣再而衰三而竭彼竭我盈故克之夫人國難測也懼有伏焉吾視其轍亂望其旗靡故逐之是以勝也

曹

卹

周字子循蔡人少孔子五十歲孔子弟子唐
贈曹伯宋真宗大中祥符二年加封上蔡侯

曹

沫

周魯人以勇力事莊公桓公伐魯莊公請獻
隧邑以平魯與齊會盟于柯沫以匕首劫桓

公於壇上曰反魯之侵地桓公許之遂歸沫三
敗所亡地於魯諸侯聞之皆信齊而歸附焉

曹

參

漢沛人與蕭何同起佐高祖定天下及卽位
定元功十八人位次參第五封平陽侯蕭何

薨參告舍人趣治行曰吾將入相居無何使者
果召參參時爲齊相屬後相曰以齊獄市爲寄

與勿擾也後相曰治無大於此者乎參曰獄市
所以并容也今若擾之奸人何所容乎參微時

與何善及爲將相有隙至何且死推賢惟參參

代何爲相舉事無所變更一遵何約束擇吏木

訥重厚長者召爲丞相史言文刻深欲務聲名者輒斥去之日夜飲醇酒府中無事參子宙爲中大夫帝怪參不治事使宙私問之參怒咎宙曰趣入侍天下事非若所當言也帝召參讓之參免冠謝曰陛下自察聖武孰與高帝上曰朕安敢望先帝曰臣孰與蕭何賢上曰君似不及也參曰陛下言是也高帝與蕭何定天下法令旣明今陛下垂拱參等守職遵而勿失不亦可乎帝曰善參爲相三年百姓歌之曰蕭何爲法較若畫一曹參代之守而勿失載其清淨民以寧一子三人宙時襄宙爲中大

夫時襄皆尚公主參卒謚曰懿

曹

褒

漢字叔通父充傳慶氏禮爲博士褒傳父業博文識古爲儒者宗章帝朝爲博士帝召其

定禮制太常巢堪以爲一代大典非褒所能定
帝知儒生拘攣難與圖始朝廷禮憲宜以時立
乃拜褒侍中班固以爲宜廣集諸儒共議得失
帝曰諺言作舍道旁三年不成會禮之家名爲
聚訟互生疑異筆不能下昔堯作大章一夔足
矣授褒叔孫通禮儀十二篇曰此制散略多不
合經今宜依禮條正使可施行褒條正冠婚吉
凶制度凡百五十篇上之雜以五經讖記之文

曹上生

漢季布名大著於天下者
辯士曹上生游揚之也

曹

曾

漢濟陰人光武時從歐陽歙受尚
書積石爲倉以藏書號曹氏書倉

曹

植

三國字子建譙人操子十歲善屬文操視其
文曰汝情人邪植跪曰出言爲論下筆成文

固當面試柰何倩人操大奇之植任性而行不
事雕飾封陳王薨謚曰思文帝素忌異才欲害
之令作詩限七步成植應聲曰煮豆燃豆箕豆
在釜中泣本是同根生相煎何太急謝靈運言
天下文章只一石子建獨得八斗世目爲繡虎
建安七才子植其一也弟彰字子文雄蓋萬
夫力能扛鼎操嘗曰黃鬚兒真大奇也封任城
王植季弟冲字倉舒五六歲時智慧若成人
時吳貢大象操欲知斤兩而難於秤冲從旁應
曰置大象船中而刻其水痕稱物以載之則知
其重輕矣

操大奇之

曹

洪

三國字子廉操從弟操起義兵討董卓至榮
陽爲卓將徐榮所敗操失馬榮追甚急洪以

馬授操操辭讓洪曰天下可無洪不可一日無君遂步從到汴水水深不得渡洪循水覓舫與操共濟後官至平西將軍子馥從兄仁字子孝勇冠諸軍嘗守南郡拜大司馬謚忠侯子恭

曹弗興

三國吳人以善畫名冠一時孫權命畫屏誤墨成蠅權疑其真以手彈之時有八絕弗興

與焉嘗過青溪見赤龍飛水上寫獻孫皓送入祕府至宋時久旱乃取弗興畫龍置水上俄而雲迷霧起大雨如注

曹

攄

晉譙國人調補臨淄令縣有寡婦姑勸令嫁人婦守志養姑不移姑愍之密自殺親黨告

婦殺姑攄知其冤辯寃得實時稱其明獄有死囚攄于除夕放之暫歸刻日皆至無一人後者

曹景宗

南北字子震以膽勇聞梁武朝爲右將軍魏兵圍鍾離景宗統師解圍振旅而還帝宴之

於先華殿群臣聯句令沈約賦詩時韻用已盡惟餘競病二字景宗操筆立成云去時兒女悲歸來笳鼓競借問行路人何如霍去病帝大稱賞景宗旣貴謂所親曰我昔在鄉里騎快馬如龍與年少輩數十騎拓弓弦作劈噓聲箭如餓鴟馳平澤中逐麀數觔射之飲其血食其胃甜如甘露漿覺耳後風生鼻頭火出此樂令人忘死今來楊州作貴人動轉不得路行開車幔小人輒言不可閉置車中如三日新婦念此邑邑令人氣盡卒謚壯侯

曹

憲

唐初仕隋爲祕書學士聚徒數百人譔苑林叢又註廣雅太宗貞觀初楊州長史李襲譽

薦之以弘文館學士召不至卽家拜朝散大夫
當世榮之帝嘗讀書有奇難字輒遣使者問憲
憲具爲音注援驗
詳複帝咨尚之

曹元理

唐善算術嘗詣陳廣漢設食甚薄廣漢曰有
倉卒客無倉卒主人元理以七箸算曰俎上
蒸狔廚中荔枝何不設廣漢大驚

曹

霸

唐玄宗時將軍善畫馬帝有照夜白命畫之
宛然如生韓幹其弟子也杜甫有畫馬引

曹

鄴

唐陽朔人大中間舉進士
累官至吏部侍郎有詩名

曹

松

唐字夢徵舒州人光化中登第時已七十餘
矣司榜五人皆年相上下號五老榜授校書

郎而卒所
著有詩集

曹

圭

五代嘉興都將淮人圍城急圭與族人師魯帥衆力守之淮人望氣曰此雖孤城內有貴

人不可圖也遂解去民賴以安

師魯形短而多智人號曹晏嬰

曹

彬

宋字國華真定靈壽人父芸爲成德軍節度使彬始生周歲父母以百玩之具羅於前觀

其所取彬左手提干戈右手取俎豆斯須取一

印他無所視人皆異之彬于漢乾祐中爲成

德軍牙將節帥武行德見其端慤指謂左右曰

此遠大器也仕周爲河中都監後歸宋乾德初

與王全斌伐蜀陝中郡縣悉下諸將咸欲屠城

彬獨申令戢下太祖馳詔褒之諸將多收子女

王帛彬橐中唯圖書衣衾而已授宣徽南院使
義成軍節度使彬辭曰西征將士俱得罪臣獨
受賞恐無以示勸帝曰卿有茂功又不矜伐懲
勸國之大典卿無讓彬奉命下江南圍城中
每緩師不迫冀李煜歸服又使人諭之曰事勢
如此所惜者一城生聚若能歸命策之上也城
垂克彬忽稱疾不視事諸將皆來問疾彬曰余
之疾非藥石所能愈惟須諸公誠心自誓以克
城之日不妄殺一人則自愈矣諸衆許諾焚香
爲誓翼日城下煜詣軍門降彬待以賓禮請治
裝赴汴及還閣門進榜子云奉勅差往江南勾
當公事回人嘉其不伐進檢校太師加兼侍中
從征太原封魯國公真宗朝召拜樞密使彬清
介廉謹仁敬和厚有功不伐位兼將相不以等

威自異爲時良將第一及卒追封濟陽郡王謚
武惠子三人瑋琮璨繼領節鉞故陶弼觀彬廟
畫像詩云蒐兵四把降王縛教子三登上將臺
彬長子璨字韜光性沉毅習知韜略能自奮
勵以世其家累官富州刺史嘗爲綬銀夏麟等
州鈴轄善撫士卒威愛兼著契丹入寇屢戰有
功後授同平章事卒謚武懿彬三子瑋字寶
巨沉勇有謀喜讀書通春秋三傳於左傳尤深
繼遷叛太宗問彬以誰可將者彬曰臣少子瑋
可任卽召見以本官同知渭州時年十九瑋馭
軍嚴明賞罰立決犯令者無所貸善用間周知
虜動靜舉措如老將平居閒暇若儒生及出師
多竒計出沒變幻人莫能測渭州有告戍卒叛
入夏國者瑋方對客奕棋遽曰吾使之行也夏

人聞知卽斬叛者投其首境上 瑋用士得其

死力西羌唃廝羅使其舅賞棣丹與廝敦同謀

內寇瑋陰結廝敦解所佩寶帶與之廝敦感激

求自效間謂瑋曰有所使令雖死不辭瑋曰賞

棣丹嘗至汝帳下代我取其首來敦愕然應諾

數十日果斷其首以獻累官宣徽北院使簽書

樞密院事宰相丁謂逐寇準惡瑋不附已謫客

州瑋卽就道從弱卒十餘人不以弓韞自隨謂

敗復華州觀察使拜彰武軍節度使知天雄軍

卒贈侍中謚武穆嘉祐八年詔配饗仁宗廟庭

平 宋字公正仁宗光憲皇后從弟偕之子也以

父任累官至温州防禦使哲宗光祐中提舉

萬壽觀丐外樞密院白爲真定路鈐轄善射左

右手如一雖滅燭亦能中伴契丹使者射嘗雙

破的使
者驚悚

曹粹中

宋字純老定海人宣和六年進士李莊簡公
光媚也秦檜在位光時爲叅政檜知其名欲

識之粹中辭不赴竊語妻曰汝父必不能與丞
相久處光貶謫海南粹中不復仕自號放齋有
詩說行

于世

曹

肅

宋字士先郴州人舉鄉薦初授通州寧遠簿
平生安分守道四方學者多從之游著述數

千卷尤工于詩有騷人風子延祚字熙載
清脩多學足不履城市卿士多出其門

曹

密

宋字宗山第進士仕至朝奉郎志在及物以
江陰故廢郡屬毗陵舊無產稅則例民輸下

鹽錢視他縣獨倍力請均之郡從其請民皆德之著有茗溪集鍾山集抱關前集論語註十篇

曹

悅

宋字習之幼歲痛其父歿絕葷酒婚宦刻志學問五經有解後學問難疊疊不倦從故家借書輒請書目一閱卽能言其本末平生無喜愠嘗戒學子絕人我則天理自著爲易解全書分辭變象占學者尊爲泰宇居士詩文三十卷精潔可傳

曹

經

宋字清甫休寧人幼穎悟八歲能遍誦五經咸淳戊戌殿試丙科授迪功郎昌化縣主簿

博學知名撰文獻通考癸酉充信州考試官甲戌赴昌化簿任尋轉脩職郎乙亥權知縣事戊寅授紫陽書院長已卯以壽終年八十二所著有講義四卷書稿文藁麗稿各五卷餘如服膺

錄讀書記雜作管見三場管見泣血錄過庭錄
課餘雜記曹氏家錄古文選等書藏于家子

希文所著書有詩文講義二卷

通鑑日纂二十四卷行于世

曹利用

宋真宗時契丹兵逼駕幸澶淵利用以閣門
祗候使金議和契丹欲強其割地利用曰割

地之議死不敢聞契丹不能屈累官叅知政事
時劉太后臨朝中宮與貴戚爲禍福利用以動
舊自處不恤凡內降恩力持不與左右深怨之
太后亦嚴憚稱爲侍中而不名會利用從子洎
爲兵馬監押酒醉衣黃衣令人呼萬歲內侍力
譖利用張士遜曰利用大臣不知也王曾亦力
救竟謫房州卒于襄陽利用居位
忠盡有守死非其罪聞者冤之

曹植孫

宋字德堅瑞安人自少工舉子業下筆閱肆諸老成咸器之嘗自謂曰作文譬如立萬人

場中非劃然大器而鳴人肯聽我乎宋公室廬燬于兵遂寓平陽梅溪以古文及詩自娛凡一篇出人輒傳誦後留安陽十餘年南北生徒數百人壽八十有七終

曹

覲

宋字覲道世以詩禮名家皇祐中爲康州刺史儂智高犯城覲曰豈有爲天子吏而避賊

者乎城陷罵賊不止賊殺之時子方生數月輒棄之竹園賊退妻往視之猶呱呱而泣曾參政贈詩云轉戰譙門日已晡空拳猶自把戈扶身垂虎口猶安坐命在鳩毛更疾呼柱下臬卿存斷節袴中杵曰得遺孤可伶邑邑雄豪氣不愧山西士大夫朝廷爵其子以旌其忠

陶

濟陽徵音陶唐氏之後又虞惠爲周陶正以官爲氏又望出丹陽潯陽

陶答子

周爲大夫治陶三年名譽不興家產二倍其妻諫之曰能薄而官大是謂嬰害無功而家

昌是謂積殃今夫子貪富圖大妾聞南山有玄豹霧隱七日而不下食者何也欲以澤其毛衣而成其文章耳故藏以避害豕不擇食故肥而死今君背此不毋後患乎荅子不聽後果被誅

陶

舍

漢國初爲左司馬以功封愍侯子青襲封夷侯孝景時拜相青九世孫敦安帝朝拜

大司徒敦孫同漢末避亂于江東生子丹仕吳爲揚武將軍封柴桑侯生子侃侃字士行家貧少漁雷澤網得織梭歸掛壁間項化龍去侃少時有長者車及門鄰人問曰何不延之侃

曰貧不能爲禮密於牆頭送濁醪隻雞遂成終
日之歡范逵嘗宿其家侃倉卒無以待母湛氏
謂侃曰汝第留客吾自爲計乃截髮易酒殽又
剉薦以飪其馬逵稱賞曰非此毋不生此兒到
京師盛稱揚之侃由是知名未遇時嘗夢八翼
飛上天見天門九重比登其八惟一門不得入
闢者以杖擊之墜地折其左翼後爲八州都督
以應其夢侃少爲縣吏監魚池嘗以魚鮓遺
母母封還其鮓責之曰爾不能益我反以官物
遺我增吾憂耳嘗爲廣州刺史在州無事輒
朝運百甓於齋外暮運於齋內人問其故答曰
吾方致力中原過爾優逸恐不堪事故自勞爾
後轉荊州刺史士女相慶嘗語人曰大禹聖人
乃惜寸陰至于吾人當惜分陰豈可逸遊荒醉

坐無益于時死無聞于後是自棄也諸叅佐以
談戲廢事者命取其酒器蒲博之具悉投之於
江將吏則加鞭朴曰樛菹者牧豬奴戲耳至於
老莊浮華非先王之法言無益實用君子當正
其威儀何有蓬頭跣足自謂宏達邪嘗造船其
舳頭木屑侃皆令籍而掌之人不解所用後會
積雪初晴廳前餘雪猶濕乃以木屑布地及桓
溫伐蜀又以侃所貯舳頭作釘裝舩其綜理微
密皆此類也後平王敦蘇峻屢立奇功封長
沙公晚年每思折翼之夢深以盈滿自懼不預
朝權在軍四十年明毅善斷人不能欺梅陶嘗
謂人曰陶公機神明鑒以魏武忠順勤勞似孔
明陸抗諸人不能及也謝安每言陶公雖用法
恒得法外意年七十六薨贈大司馬謚曰桓

侃長子瞻字道貞少有才器歷廣陵相廬江建昌守散騎常侍都亭侯蘇峻叛死之追贈大鴻

臚謚愍悼

侃中子範最知名官至光祿勳

侃少子輿累以戰功遷武威將軍與杜弼戰率輕舸出上流擊之賊望見輿軍驚曰且避陶武威後戰死詔贈武威太守

侃孫淡字處靜幼

孤好漁養之術年十五六便服食絕穀不娶家累千金僮客百數淡終日端拱曾不營問頗好讀易善卜筮于長沙臨湘山中結廬居之養一白鹿以自隨親故有候之者輒移渡澗水莫得近之州舉秀才淡聞之遂逃隱羅縣埤山中不知所終

侃曾孫潛字元亮晉名淵明宋改名

潛性恬淡居潯陽紫芝之栗里少有高趣博學不群仕晉爲州祭酒不久解歸召主簿不就後

復爲彭澤令不以家累自隨在官八十餘日郡
遣督郵至吏白當束帶見之潛歎曰我豈能爲
五斗米折腰向鄉里小兒卽日解印綬去賦歸
去來辭門栽五柳號五柳先生義熙末徵著作
郎不就潛自以先世晉臣不肯仕宋妻翟氏亦
與同志能安勤苦夫耕於前妻鋤於後公田悉
令種秫妻子固請種粳乃以半種秫半種粳凡
客造者輒設酒若先醉便語客曰我醉欲眠君
且去王弘欲識淵明不能致淵明嘗往廬山
弘令淵明友龐通之齎酒具於半道栗里要之
淵明有脚疾使一門生二兒轡藍輿旣至欣然
便共飲酌俄傾弘至亦無忤色嘗九日無酒摘
菊盈把坐而悵望久之見白衣人至乃王弘遣
之送酒卽醉酪而歸嘗曰吾夏口虛閑高臥

北牖之下清風颯至真義皇上人也廬山僧
惠遠愛其清逸招之入社淵明日許飲卽往惠
遠佯許之旣至無酒攢眉而歸親朋邀飲輒
醉旣醉而退不吝情去留環堵蕭然不蔽風雨
晏如也性不解音常畜素琴一張弦徽不具每
朋酒之會則撫而和之曰但識琴中趣何勞絃
上音值鄰家招飲酒有萍卽脫巾漉之漉畢還
著卒于宋文帝元嘉四年壽六十三先自爲文
以祭所著有文集行于世子五人儼侯份佚佟

陶

回晉丹陽人父抗吳太子中庶子回有器幹王
導引爲司馬蘇峻反王師敗績回謂庾亮曰

峻知石頭有重戍不敢直下必向小丹陽南道
步來宜伏兵邀之可一戰擒也亮不從峻果從

小丹陽來迷失道亮大悔後同與陶侃溫嶠并力攻峻以功封河興太守開倉賑饑一境獲全卒謚曰威子四人汪陋隱無忌咸有幹才

陶季直

南北秣陵人祖愍祖劉宋廣州刺史父景仁中散大夫季直好學淡於榮利仕齊爲尚書

比部郎累遷給事黃門侍郎素清苦及死家徒四壁子孫無以殯殮所作有京都記季直年四歲時祖父異之以四函銀列置前令諸孫各取一季直獨不取曰若有賜當先父伯不應度及諸

孫

陶弘景

南北字道明秣陵人讀書萬卷一事不知以爲深耻年十歲得葛洪神仙傳晝夜研尋便

有養生之志曰仰青天覩白日不覺爲遠矣齊高帝引爲諸王侍讀永明中脫朝服掛神武門上表辭祿上賜束帛月給茯苓五斤白蜜二斤以供服餌上句容勾曲山第八洞名金壇華

陽之天周回百五十里山中立館號華陽陶隱居晚號華陽真逸又曰華陽真人性愛松風庭院皆植松每聞其響欣然爲樂有時獨遊泉石望者以爲仙人嘗謂人曰吾見朱門廣廈雖識其華樂而無欲住之心望高巖瞰大澤知此難立止恒自欲就之築三層樓自處其上弟子處其中賓客處其下與物遼絕善辟穀導引之術年八十五無病而逝顏色不變屈伸如常香氣累日氤氲滿山謚貞白先生或傳其仙公梁武帝蚤與之遊卽位徵之不出有大事無不咨

詢時人謂之山中宰相子籍字文海仕齊爲
餘杭令政化如神善于撻伏下莫能欺好學有
才氣爲詩類謝靈運時人咸謂康樂之有
陶籍如仲尼之有丘明老聃之有莊周

陶

沔

唐竹溪六
逸中人

陶

詳

唐爲校書郎隱居陽羨
方干有題陶詳隱居詩

陶

峴

唐崑山人雅好游覽治三舟一自載一置賓
客一貯飲饌日與孟雲卿輩幽探山水必窮
其勝貴人欲一日不可
得也自號麋鹿野人

陶

穀

南北字秀實新平人祖彥謙有詩名歷三州
刺史父渙夷州刺史穀幼有俊才仕周爲翰

林學士宋興歷禮刑戶三部尚書遷學士承旨
乾德初郊祀法物制度多所裁定嘗得党進
姬命掬雪水烹茶謂曰党家有此風味乎姬曰
彼粗人但知銷金帳內淺斟低唱飲羊羔酒耳
穀有慚色穀使吳越以蠶蟀至彭蠡十餘種
進穀曰一蟹不如一蟹寓錢塘驛韓熙載命妓
秦弱蘭爲驛吏女常進灑掃穀悅之因寓宿弱
蘭求詞別去穀作詩贈之名風光好曰好姻緣
惡姻緣只得郵亭一夜眠別神仙琵琶撥盡相
思調知音少再得鸞膠續斷弦是何年李煜宴
穀命群妓歌之陶
大沮卽日北歸

陶

岳

宋祁陽人累官太常博士知端州余靖過端
諸父老言前復刺史不求硯者惟包孝肅及

陶公二人歷任四十餘年
五爲郡守有文集行世

陶

弼

宋字商翁祁陽人嘗學兵法能持論縱橫尤
長于詩慶曆中提刑楊旼被旨討湖南獠致

弼幕下用其策平之儂智高叛旼復辟弼參軍
謀旼還朝曰吾平賊湖外所得者一陶弼而已
嘗知賓邕欽容辰順六州多有惠政民皆德之
建中靖國間編次勲舊名臣弼亦預焉所著有
書奏八
十卷

陶

令

宋靖康間知盱眙縣徽宗南渡以南山有十
景欲臨幸詔所在清道令辭以非浹旬可辦

上嘉其

直而正

陶反象

卷七

陶毛

二十八

陶宗儀

宋字九成天台人至元間避難華亭雅好著述往耕于田恒携筆視置一囊樹下遇有所

得書投其中久之已滿貯則取成帙題曰南村輟耕錄

毛

西河羽音周文王第九子封毛稱毛伯以國爲氏又望出滎陽

毛

遂

周趙平原君門下客也時秦攻趙邯鄲趙使平原君求救於楚君約其門下食客文武備

具者二十人與之俱得十九人餘無可取者毛

遂自薦于平原君君曰夫賢士之處世也譬若

錐之處囊中其末立見今先生處勝門下三年

於此矣勝未有所聞是先生無所有也遂曰臣

乃今日請處囊中耳若蚤得處囊中乃脫穎而

出非特未見而已平原君與之俱至楚楚王言

合從利害自朝至日中不決毛按劍歷階而上
謂平原君曰從之利害兩言而決爾今久不決
何也楚王怒叱之遂曰吾君在前王叱遂者何
也意恃楚之衆也十步之內王之命懸於遂手
不得恃衆耳今楚地方千里持戟百萬此霸王
之資白起小豎子耳一戰而舉鄢郢再戰而燒
夷陵三戰而辱王之先人此百世之怨趙之所
羞而王弗知惡焉合從者爲楚非爲趙也楚王
曰唯唯遂曰取雞狗馬血來捧盤跪進次吾君
次招十九人歃血堂下曰君等碌碌所謂因人
成事者也楚乃遣春申君黃歇將兵救趙平原
君定從歸曰毛先生一至楚便趙重如九鼎大
矣遂以毛遂爲上客

毛

義

漢廬江人家貧以孝行稱南陽張奉慕其名往候之坐定而府檄適至以義為安陽令義

捧檄而入喜動顏色奉心薄之及義母死去官行服後舉賢良公車屢徵不至奉歎曰賢者固

不可測往日之

喜乃為親屈也

毛

亨

漢作詩訓詁以授毛萇作小序故曰毛詩亨為大毛萇為小毛

毛

萇

漢河間獻王博士註詩號毛詩行于世

毛

玠

三國字孝先封上人仕魏為吏部尚書無敢有華衣美食者魏武歎曰孤之法不如毛尚

書使吏部用心如

玠風俗之易不難

毛

遐

南北字鴻遠三原人爲都督長史任俠有智謀世爲豪右貲產巨億士流貧乏者多被賑

濟至於自供衣食粗敝而

齊孝武擢爲驃騎大將軍

毛

爽

隋受京房律法布管飛灰順月皆驗又每律生五音十二律爲六十音因而演之爲三百

六十音分直一歲

之以配其音

毛

炳

宋豐城人好學不能自給隨里人入廬山所獲貲鏹卽市酒盡醉嘗醉于道旁有里首張

谷掖之而起炳瞑目曰起予者謂誰對曰張谷

也炳呵之曰毛炳不于于張谷張谷不學于毛

炳醉者自醉醒者自醒醒醉之道兩者固殊安

用掖爲汝可速去無撓予卧由是人頗重之後

聚生徒數十講誦於南臺山迨數年自署于齊
壁云先生不在此千載只空山因大醉一夕卒

有詩集

傳于世

毛仁厚

宋字及之開禧中與清獻公同發解于州其
鄉舊有義役及之益緝而宏之編戶有田二

三頃者率不與脫遇警急勇往當之不以累役
者歲或不登發義廩貸之寔甚者不責其償又
集同志爲惣于州縣請公廩給之嘉定己亥歲
大侵時及之已感未疾夢數萬蟻阻水引以竹
乃得渡覺而言曰其殆饑氓需我活耶乃力疾
走州縣請粟卽忤州將弗顧也先是家人憂其
殆固止之則應曰饑民苟活吾死不憾矣用是
病加劇竟卒後十年趙清獻公爲之表其墓

毛

漸

宋字正仲江山人第進士累官兩浙轉運使疏濬水患嘗爲涇原帥破夏人于沒烟進直

龍圖閣知滑州卒有詩文

世譜及古三墳書傳世

毛

晃

宋江山人閉門著書留意字學增註禮部韻會于世

毛安輿

宋洪雅人年九歲父死負土營墳廬于其側三年知盆州張方平聞之遺以酒餼狀其事

以聞

毛維瞻

宋西安人以詩鳴與趙抃同邑相得爲山林之樂元豐中出知筠州政平訟理時蘇轍謫

筠州監酒相與倡和有鳳

山八咏山房卽事十絕

尚友錄

卷七 毛

三十一

毛

經

宋富川人仕爲開封戶曹性敏悟一日方與客對奕尹以疑獄就質令罷奕經曰決事奕棋兩不相妨呼二吏讀欵目視棋局耳聽所讀已而奕勝而處事中理尹稱嘆薦之

毛

滂

宋字澤民江山人元祐中蘇軾守杭州滂爲法曹軾得其所爲文深器重之後薦于朝擢

知秀州所著有

東堂集十二卷

毛

桌

宋字叔縝江山人爲歙州主曹方獵攻城城陷官吏皆遁桌坐府中賊脅之使降不屈罵賊而死妻謝氏掖其夫不忍

去俱遇害事聞贈朝請郎

毛

璞

宋瀘州人乾道中進士官至利州路提點刑獄所著有六經解並三餘錄自號方山子

毛直方

宋字靜可建安人咸淳中預薦舉入元不仕授徒講學人爭趣之有聊復藁二十餘卷嘗

編詩集群玉府三

十卷及詩學大成

勞

武陽徵音其先居東海勞山因氏焉又望出渤海

勞

謹

宋任城人真宗時為京東轉運使萊陽產銀砂民多私採者事露安撫使欲以劫盜論謹

曰山澤之利人得有所盜者豈民財邪貸免甚衆

敖

譙國宮音顓頊師大敖之後以為氏

敖

仙

晉未詳其名字江西上高縣之五里即真人得道處上有真人祠煉丹井下有冲真觀

敖陶孫

宋字器之號曜菴懷才挾氣嘗有詩云胸蟠二萬卷筆落五千言寧宗朝進士及第慶元

中韓侂胄用事貶趙忠定于永陶孫皆處上庠以詩哭之云狼胡無地歸姬旦魚腹終天痛屈原侂胄惡之編管嶺南作詩評二章自魏晉至唐詩人皆有品題

臯

廣陵高陶氏之後

臯

魚

周親亡嘗嘆曰木欲靜而風不止子欲養而親不在輒流涕沾襟

臯伯通

漢吳人爲郡大家有賢行梁鴻與妻孟光至吳舍伯通家爲人賃舂光每具食舉案齊眉

伯通察而異之曰彼傭能使其妻

敬之如此非凡人也以賓禮待之

漕才到切

漕仲叔

漢游俠傳漕仲叔有謙退之風

毫

毫康

漢甘陵人女弟爲桓帝后封安陽侯

五歌

何

廬江角音周武王弟唐叔虞裔孫韓王安之後訛韓爲何

何侯

上古堯時隱蒼梧山慕長生三百餘口皆耕耘舜南狩止侯家侯謂舜曰昇舉有期後數

日舜果崩夏禹時五帝以藥一器與侯使投酒
中一家三百餘口飲不竭以酒灑屋宇拔屋飛
昇位爲太極仙人今嶷
山有何侯廟在舜廟側

何鳳兒

秦仙人往天台山獻仙籍武夷君會
鄉人幔亭峰有板師何鳳兒拊節

何比干

漢字少卿汝陰人武帝時爲廷尉治尚仁恕
活者數千人一日有老嫗造門曰公先世有

功德及公又治獄多平反今天賜策以廣公後
因出懷中策九十九枚曰子孫佩印者如此算

何休

漢字邵公任城樊人質朴口訥而雅有心思
精研六經世儒無及者嘗作公羊墨守左氏

膏肓穀梁廢疾除此新城守大作講
舍聚生徒數百朝夕勤講儒化大行

何

湯

漢字仲弓豫章人桓榮高弟以才學知名拜郎中守開陽門上微行夜還湯閉門不納明

旦詔大

官賜食

何

武

漢相城守好獎士類士多歸之所居無赫赫名去後嘗見思也武為楊州刺史行部九江

得郡守戴聖不法狀聖懼自免後毀武于朝聖子賓客以盜敗繫廬江武平心決之得不死聖

大慚服

何

英

漢郿縣人學通經緯著漢德春秋十五卷孫汝亦深于學著世務三十篇

何

竝

漢字子廉為潁川太守郡掾鍾威倚兄廷尉勢與輕俠漁食閭里至姦人婦女持吏短長

從橫郡中竝至捕殺之

表善好士一郡清靜

何

晏

三國字平叔宛人進之孫尚魏公主美姿容文帝疑其傅粉夏月賜熱湯餅拭汗而容愈

鮮少以才秀知名曹爽引爲散騎侍郎遷侍中尚書賜爵列侯與夏侯玄等競爲清談天下士大夫效之遂成流風不可復制晏七歲明慧若神魏武奇愛之因晏在宮內欲以爲子晏乃畫地令方自處其中人問其故答曰何氏之廬也魏武知之卽遣還晏言易義精了所不了者九事一日迎管輅共論輅爲剖析玄旨九事皆明時鄧玄茂亦在坐言君見爲善易而語不及易中辭義何也輅曰天善易者不煩論易晏含笑贊之曰可謂要言不煩

○何

充

晉字次道廬江人王含作廬江郡甚貪濁王敦欲護其兄故於衆座稱其佳謂廬江人士

咸稱之時充爲敦主簿在座正色曰克卽廬江人所聞異于此敦默然庾亮嘗薦之云何克器局方槩有萬夫之望宜爲老臣之副社稷無虞矣後累官至尚書令卒諡文穆充弟準字幼則高尚寡欲州府交辟不就初充爲驃騎將軍勸令仕準曰第五之名何減驃騎兄弟中準第五故云克居宰輔權傾一時而準散帶衡門不及人事唯誦佛經而已女爲穆皇后

何叔度

晉廬江潛人晉時爲尚書姨與母情愛甚篤母卒奉姨若所生姨亡朔望必往致哀并設

祭奠食竝珍新躬自臨視若朔望應有公事則先遣送祭皆手自料理流涕對之公事畢卽往

致哀以此爲常三年服竟官至太常致政子尚之以吏部郎歸省叔度問曰聞汝行日送者有幾人對曰有數百人叔度笑曰此送吏部郎爾非送何德彥也世謂尚之立身簡約皆本叔度之教云 子尚之字彥德官至中書令愛尚文義老而不倦卒贈司空諡穆簡 尚之子偃字仲弘元嘉中位太子中庶子歷侍中掌詔誥時尚之爲司空尚書令偃居門下父子並處權要尚得時譽偃好談玄註莊子傳于時 尚之孫點字子皙容貌方雅博通群書宋齊累徵不起與梁武帝有舊及踐祚賜以鹿皮冠手詔徵之召見華林園欲拜爲侍中點其手捋帝鬚曰乃欲臣老子耶尋辭疾歸兄求弟胤皆隱遯世謂何氏三高竟陵王子良于法輪寺見點遺以嵇

叔夜酒杯徐景山酒鎗 點弟胤字子季好學
師事沛國劉瓛受易及禮記毛詩又入鍾山定
林寺聽內典其業皆通而縱情誕節時人未之
知也唯瓛與汝南周顒深器異之仕齊武帝時
爲建安太守政有恩信人不忍欺每伏臘放囚
還家依期而反後慕會稽之勝棄家而往梁武
帝卽位詔起爲光祿大夫遣司馬王杲之諭意
胤曰吾年五十七月食米四斗不盡何容復有
宦情謂杲之曰卿何不表留同我隱杲之曰不
聞此例胤笑曰檀弓兩卷皆言物始何必有例
杲之還奏詔給白衣尚書祿命山陰月給五萬
錢皆固辭不受遷居秦望山別爲小閣寢處其
中已而山發洪水獨所居室巋然獨存太守王
元簡命記室鍾嶸作瑞堂頌紀之年八十六卒

何無忌

晉東海郟人性忠直爲太學博士後爲廣武將軍桓玄篡位與劉裕等起義兵與玄戰玄

敗走以興復功封安成郡開國公諡忠肅後討盧循戰敗厲聲曰取蘇武節來躬執督戰而死

何琦

晉字萬倫陽穀人好古博學事母至孝患供養不給爲涇縣令母亡哀毀幾絕服闋嘆曰

所以仕者實徼利祿以供親耳今親已卒復何求焉遂養志衡門耽翫典籍以琴書自娛公府辟命皆不就桓溫過其山曰此中有人善養性老而不衰所著有三國論卒年八十二

何楷

晉吳郡城南何山以楷嘗讀書于此後爲吳郡太守因以其姓名山

何承裕

晉爲蓋屋咸陽二縣令醉則露首跨牛趨府往往召豪吏接坐引滿吏因醉挾私白事承

裕曰此見罔也當受杖杖訖復召與飲

何

劭

晉字敬祖曾子優游自足不貪權勢嘗語王

侯長容諫授博士

者可傳史冊耳

何

遜

南北字仲言東海郊人爲梁楊州咨曹水部員外郎楊州廨宇有梅盛開遜嘗吟咏其下

後居洛陽思梅不得因請再任楊州從之既至適花盛發大開東閣延文士笑傲終日與陰鏗俱以能詩名世號陰何遜少舉秀才范雲見其策嘆賞曰頃者文人質則過懦麗則傷俗其能含清濁中占今得之何生矣

何子朗

南北字世明與何遜何思澄俱擅文名時謂東海三何子朗最多又曰人中爽爽何子朗

嘗爲敗塚賦擬莊周其文

甚奇歷官員外散騎侍郎

何昌寓

南北字儼望尚之從子獨立不群所交皆當世名士仕宋歷郡以清白稱後爲吏部尚書

有姓閔者求官自言子騫之後昌寓笑曰遙遙華胄其子敬容亦爲吏部尚書詮序明審號爲

稱職出守吳郡

政爲天下第一

何承天

南北東海郊人博通古今尤精曆數仕宋領著作郎朝廷每有疑議必先訪之時玄武湖

得銅斗衆皆不識承天曰此新莽威斗三公亡則賜之江左惟甄邯爲大司徒此必甄之墓也

酌之果然官
至御史大夫

何之元

南北廬江瀟人好學有才思爲梁司空袁昂所重辟爲五官掾尋除信義令時縣名信義

陳大建中歷湘州刺史始興王叔陵諮議參軍及叔陵誅之元屏絕人事著梁典三十卷移居常州之晉陵

隋開皇間卒

何遠

南北字義方東海郊人初仕南齊梁武帝踐祚封廣興男歷宣城太守遷東陽疾強富如

仇讐視貧細如子弟豪右畏憚公清

第一凡典郡所至百姓爲立生祠

何敬叔

南北東海郊人爲長城令性清廉不受禮遺夏節至忽榜門受貺數日得米二千餘斛取

以代貧民租稅 子思澄字元靜少勤學工文辭仕梁爲南康王侍郎遷治書侍御史武陵王錄事參軍與宗人遜及子朗俱擅文各有文集五十卷

何憲

南北字子思博通群籍任昉劉渢共執秘閣四部書試問其所知自甲至乙每說一事并

敘述作之體連日累夜莫見所遺宗人何遁退讓士也見而美之願與爲友齊武帝時位本州

別駕國

子博士

何子平

南北廬江瀟人少有至行事母至孝宋文帝時爲吳郡海虞令得祿惟以供母不及妻孥

人疑其儉薄子平曰希祿本在養親不在爲已問者慚而退母喪去官哀毀踰禮每哭踴頓絕

方蘇孝武末年東土饑荒繼以師旅八年不得
營塋晝夜號哭常如初喪之日冬不衣絮暑不
就清涼一日以米數合爲粥不進鹽菜所居敗
屋不蔽風日兄子伯興欲爲葺理子平不肯曰
我情事未伸天地一罪人耳屋何宜覆蔡
興宗爲會稽太守甚加矜獎爲營塚壙

何起門

唐建德人父死廬于墓大厯中刺史蕭定以
狀聞天子表其門新唐書孝友列傳稱其事

親吊喪

之行云

何易于

唐爲益昌令刺史崔朴春遊出益昌索民牽
挽易于腰笏引船朴驚問對曰百姓春耕且

蠶不可役惟令無事可
任其勞朴大慙疾驅去

何蕃

唐和州人爲太學生學成行高諸生不敢與齒朱泚反同舍將往附蕃正色叱之故六館

無受汚者韓

愈爲之立傳

何澤

五代廣州人仕唐爲洛陽令好直言莊宗出獵踐民田澤叩馬諫曰陛下未能一天下以

休兵而恣畋游害稼穡使民何以出租賦莊宗爲之罷獵明宗欲幸鄴又伏閣諫止仕終太常

少卿

何令通

五代南唐時爲國師言牛頭山不利謫休寧來止芙蓉峰更名慕真一坐四十年豁然大

悟天禧中一旦正席跌坐忽心火自灼頃刻而化其徒收舍利爲塔塋之

何書

宋少讀書廬山白鹿洞舉進士南唐時屢黜乃渡江入汴謁宋祖陳所爲書二十卷後登

第官至鳳翔

觀察推官

何

隨

宋郾縣人初仕蜀爲安漢令蜀亡去官時巴土饑送吏取民芋以自給隨卽以綿繫其處償之民視芋見縣相與語曰聞何安漢清廉必此人也所著有譚言

何

蒙

宋洪州人精春秋左氏學南唐時進士宋初爲洛州推官累遷至水部員外郎通判廬州

真宗時上所著兵機要類十卷

後知濠州以光祿少卿致仕

何造之

宋子絳侯孫脩輔曾孫格非三世登第家有三桂堂

何涉

宋南克人讀書晝夜刻苦自六經百家及山經地志醫卜之術無所不學一過目終身不

忘舉進士累官知合州遷司封員外郎涉長厚有操行未嘗談人過惡所著有春秋本旨及廬

江集七

十卷

何去非

宋字正通浦城人學問該博有識度元豐中對策論用兵之要擢優等除武學教諭使校

兵法七書奏復見褒賞未幾擢博士蘇軾見其文驚曰此今班馬也力薦于朝詔加承奉郎歲餘出爲徐

州教授

何

時

宋爲臨江司理叅軍郡獄相傳舊斬一寇能行一里許衆神之塑爲肉身時至取故牘閱

此寇嘗掠殺數人曰如此可爲神乎命鞭之沈于水人服其明

何

琬 宋字子溫龍泉人舉進士神宗疏其姓名于御屏云政事何琬文章葉濤濤亦邑人也

執中字伯通琬之裔登進士高第調台亳二州判官知海鹽縣有異政以母憂去寓蘇州比鄰夜半火執中拊母柩號慟有頃火卻徽宗時累官至太宰封榮國公卒追封清源郡王

何

求 宋閬中人以宋涉隆苑已疎略乃哀次三十卷號閬苑記後同縣曹無忌又增二十六卷

何

鑄 宋字伯壽餘杭人政和中進士紹興中拜御史中丞秦檜誣岳飛命鑄鞫之鑄白其冤檜不悅鑄曰鑄豈區區爲一岳飛者強敵未滅無故戮一大將失士卒心非社稷之長策檜語塞

諷萬俟卨使論鑄私岳飛欲竄嶺南
帝不從官至資政殿學士卒謚恭敏

何

卓

宋仙井人政和進士第一累官右僕射嘗阻
割三鎮京城失守從欽宗幸金營遂留不返

既陷北庭卨仰天大慟不食而
死兄棠弟渠俱有名號爲三鳳

何

述

宋字明道調當塗縣邑瀕江述築堤以捍水
患崇寧初除開封推官從尹以職事對上顧

尹曰何述詳雅可喜必能助剗決累遷開封少
尹司農光祿卿出知相州後除徽猷閣侍制知

永興軍有禮記解事

類領要廬江集等卷

何

兌

宋字大和邵武人受學馬伸伸沒兌嘗輯其
事狀政和中第進士紹興中爲辰州通判覲

郵報秦檜自陳其存趙之功兌取所請辜狀達
尚書省檜大怒下兌獄削官竄真易檜死復其

官 子鎬從朱熹學

所著有臺溪集諸說

何大節

宋知黃州金人犯黃大
節義不屈投江而死

何亮

宋二十四
賢中人

何覲

宋與江
西詩派

何大庚

宋紹興間知雷州循水利築隄以溉
東洋之田凡數千頃皆成膏腴

何宗英

宋和州人紹興間以布衣上書數萬言論虜
必渝盟宜先事爲備與其坐困一隅不若進

幸建康以

壯國勢

何大奎

宋廣德人年十八試禮部第一時以文章著名

何淡

宋字自然東陽人嘉泰間以上舍釋褐歷官國子丞祕書郎爲人恬靜好學所著有通鑑

手抄賢

關漫錄

何基

宋字子恭金華人自幼端重寡言笑師黃榦窮伊洛之源隱居求志不願人知淳祐間以

崇政殿說書徵不起授承務郎主管西嶽廟卒謚文定所著有大學語孟太極通書西銘近思

錄傳

于世

何新之

宋西安人仕至樞密院編脩官嘗採唐宋詩為詩林萬選行于世後知忠安軍死節

何充

宋漢州德陽人祖耕祕書監充通判黎州攝州事元兵破邛崃關充自刺不死軍帥許以

不殺克曰吾三世食趙氏祿為趙氏死不憾自是水飲不入口敵知不可強殺之克妻陳氏罵

不絕口亦死勇士麟孫駒行仲子仲桂皆先死

羅

豫章徵音祝融之後姪姓受封於羅國子孫以國為氏又望出長沙

羅

威

漢字德仁番禺人性至孝遇寒則以身溫席鄰牛犯其稼威刈芻納其門牛家相諭莫犯

每出遇老稚負帶于途即為代其任邑人化之令長召為門下史頗力威乃奉母遁于增城

羅企生

晉字宗伯豫章人累遷武陵太守未之郡而桓玄攻殷仲堪仲堪以企生爲諮議叅軍堪敗去文武無送者惟企生從焉玄至荊州或勸其詣玄企生曰殷遇我以國士不能共殄醜逆亦何面目復求生乎玄聞之大怒遂害之

羅

友

晉襄陽人少有志氣博學能文會有得郡者桓溫集僚佐餞之友後至溫問之友曰中路

逢鬼揶揄云只見汝送人作郡不見人送汝作郡溫表爲襄陽太守友初從桓溫平蜀按行蜀城關觀宇內外道陌廣狹植種果木多少皆嘿記之後溫與簡文集共道蜀中事有所遺忘友皆名列曾無遺錯友性嗜酒當其所遇不擇士庶又好伺人祠往乞餘食雖復營者壚肆

不以爲羞桓溫常責之云君大不逮須食何不
就身求友傲然不屑答曰就公乞食今乃可得
明日已復
無溫大笑

羅

可

晉性度寬宏嘗有竊刈其園蔬者適遇見却
避艸間又有攘殺其鷄者可攜壺就之呼其

妻孥環坐盡醉而
歸由是相誠無患

羅

舍

晉字君章來陽人少時常晝卧夢一鳥文彩
異常飛入口中自此藻思日新仕爲江夏從

事太守謝尚曰可謂湘中之琳瑯後補桓溫參
軍於城西立茅舍以居織艸爲席布衣蔬食晏
如也或謂舍乃荆楚之才溫曰此江左之秀豈
惟荆楚而已哉徵爲尚書郎致仕回家南恩有

羅琴山以含嘗攜

琴遊此地故名

羅弘信

唐魏州貴鄉人狀貌雄偉善騎射仕爲節度使異進檢校太師卒贈北平王諡莊肅子紹

威少有英氣吏事明辯

嗣父節度累加太尉

羅

隱

唐字昭諫錢塘人工詩尤長於詠史有湘南雜藁性傲倪少與桐廬章魯風齊名爲宰相

鄭畋所重畋女覽隱詩諷詠不已畋疑有慕才意隱貌陋一日女窺見之遂絕口不詠

錢鏐

畋爲從事節度判官副使嘗說鏐討朱溫曰縱不成功猶可還保杭越柰何交臂事賊爲千古之羞乎所著有江南甲乙集等書 令狐綯子瀉登第隱賀以詩綯謂瀉曰吾不喜汝得第喜

汝得羅公詩耳 隱弟鄴詩中虎也光化中韋
莊奏詞人才士時有遺賢不沾一命于聖朝從
作千年之恨骨如李賀陸龜蒙羅鄴方干賈島
溫庭筠劉德仁皆有奇才伏望追賜進士及第
贈補闕
拾遺

羅

虬

唐與鄴隱齊名號三羅李孝恭籍中紅兒有
聲色虬請之歌不答虬怒拂衣而太詰旦爲

絕句百篇
號比紅兒

羅公遠

唐宣宗時方士明皇賞中秋翫月遠曰陛下
欲至月中否以拄杖擲之成大橋如銀行數
里精光奪目至大城闕遠曰此月宮也門榜曰
廣寒清虛之府有素娥數十歌舞于大桂下白

鸞舞其上上問曰霓裳羽衣曲也帝因記其調遂回却顧其後隨步而滅乃召梨園子弟作霓

裳

曲

羅通微

唐臨晉人少時採薪山中遇閭使君案謂曰子骨相巉峭可學長生遂冠褐于五老山學

步虛絕粒唐貞觀中忽一日謂人曰我歸明日大會士庶萬人俄雷震地下青龍躍出通微跨之而

登

羅士信

唐歷城人年十四齊郡通守張須陁擊賊濰水上士信請自効須陁少之士信怒被重甲

左右韃上馬顧盼許之陣纔列執長矛馳入賊營刺殺數人無敢抗須陁乘之大破賊後降高

莊拜陝州道行軍

總管封郊國公

羅

向

唐廬州人少貧困常投福泉寺隨僧飯二十

年間持節歸鄉書僧房云二十年來此布衣

鹿鳴西上虎符歸故時賓從追前事到處松杉

長舊園野老共遮官路拜沙鷗遙認隼旟飛春

羅道宗

唐河東人慷慨尚義貞觀末嘗謫嶺南有友

人同斥者死于荆襄間臨終泣曰人生有死

獨委瑩異壤耶道宗慰之曰吾若還終不使君

留此後果遷塋于其家仕至太學博士稱名儒

羅

藝

隋大業中以戰功補虎賁郎將後稱幽州總

管宇文化庭至山東遣使招藝藝曰我隋舊

臣今大行顛覆義不辱于賊
斬其使者爲煬帝發喪三日

羅承之

宋巴州清化人幼雄特好兵略乾德中文協
率衆攻閬巴承之竭貲募兵擒文協太祖召

見賜感義軍節度使兼知巴州曾孫士
堯事其母以孝聞家產盡遺姪之孤者

羅處約

宋字思純益州華陽人父濟仕蜀歸宋官至
太常丞處約太宗時舉進士彤神豐碩有詞

采初知吳縣後召直史館卒年

三十三有文十卷曰東觀集

羅彥輔

宋字經世當塗人嘉祐進士歷江都湖口令
皆以廉稱後知池州屬歲旱以荒政從事奏

課第一嘗誡子曰我以清白遺爾曹萬一至饘
粥不給亦不可少屈人以姑溪水況其清德及

卒人過溪上者歎曰羅公何在
溪水如故相與躊躇不忍去

羅孟郊

宋興寧人生而穎異蚤喪父事母孝兒時牧牛長陂莊坐讀書有山人過奇之與語孟郊

告以父喪貧未葬山人指示地遂從葬焉弱冠結廬羅嶺以學鄉中子弟從之孟郊指授篤至邑始多學者善書札洗硯池水盡黑人稱曰墨池天聖八年舉進士第三人累官諫議大夫翰林學士乞歸養母茆草蕭然母冬月思鱸孟郊解衣入池取魚供母鄉人目其池爲曾子湖

羅

泌

宋字長源廬陵人學問該博著有路史行于世

羅善同

宋字信遠上高人自幼勤詩書友善類程明道嘗貽以書云人之所以爲君子在不失其

本心要常自檢點勿使一毫私意間之
斯可到聖賢地位矣自號純古先生

羅道成

宋慶曆中遊中獄詩云白驪代步若奔雲閒
人所至留詩迹欲知名姓問源流請看郴陽

山下石後問無所言有真人得道乘
白驢行于石壁上其迹至今存焉

羅

畸

宋字疇老元祐初爲滁州刺史或曰僻郡畸
曰此歐陽公之醉鄉也何爲貧僻邪明年治

廨宇于堂前植蘭數十本記之曰蘭之德有道
君子也予之于蘭猶賢朋友朝襲其馨暮頌其
英攜書就觀引酒對酌後
杜門不出著文海百餘卷

羅

祝

宋字叔和長汀人閉戶讀書人罕識面貫穿
經史雖註疏亦皆研究元祐間朝廷行十科

祝以明經中第調漳州法曹本路漕按行欲秉
燭入庫祝堅執于律不可漕遂止嘗手釋六經
及註唐書尤精于律
數終明州觀察推官

羅

晏

宋閬州人兒時牧山下見二道人奕晏捨牧
觀之道人出囊中餅與之晏食已歸家覺腹

中如燎因發狂累日自是惟飲水數日不一食
稍稍預言禍福無不驗宣和中賜靜應處士張
浚延致軍中晏曰相公勿恐明日虜退果然加
號太和冲夷先生蜀人相傳壽至一百八十歲
羅昇
宋宜春人少貧業屠狗晚乃貨藥市中遇異
人授以六術年幾百忽一日辭親戚奄然而
逝時政和二年也後有客見其在瀏易市貨
藥有書寄鄉人驗其日乃其沒之明日也

羅孝芬

宋字廷揚平江人居側有大柿樹雷折之火燎其文成羅狀元字下有三點人莫能測明

年孝芬舉甲科第三人始悟其兆云後擢吏部郎中靖康初致仕建晝錦橋秀野亭時人榮之

羅適

宋字正之寧海人舉進士歷知五縣提點兩浙京西刑獄終朝散大夫有易說赤城集一

百卷行

于世

羅願

宋字瑞良汝楫子兄顥顥頡頌弟頵皆有文願博學好古法秦漢爲詞章高雅精練朱熹

特稱重之有小集十卷爾雅翼

二十卷累官知鄂州有善政

羅尚友

宋字明善萍鄉人少負俊才文章倚馬可待嘗謁閣門使蕭注令其賦詩有人間酒客兼

詩客天上文星與將星句後登進士第授武昌
軍節度推官時李常以中丞爲帥每燕集必召
尚友凡樂語詩詞皆卽席
而成因目爲席上才子

羅

戩

宋達州人初爲武學諭上幸學百官先集蔡
京于坐上談兵衆皆拱聽戩獨仰視屋角京

大怒奪

其官

羅從彥

宋字仲素本沙縣人徙家陽平從學楊時於
蕭山旣而築室山中絕意仕進充然自得朱

熹謂龜山倡道東南士之游其門者甚衆然潛
思力行任重詣極惟仲素一人而已學者稱爲
豫章先生卒諡文貞所著
有尊堯錄十三卷行于世

羅博文

宋字宗約沙縣人從學李延平得道學之傳尋以薦叅議軍府政卒于嘉州官舍囊無餘貲有書數千帙而已

同門朱熹狀其行

羅之紀

宋字國張號筠心居士瑞陽人孝宗朝攝邑雲夢因見雪壓庭竹賦詩云吾道非邪真可耻此君豈是折腰人棄官歸遇方士授丹經脩養法葺一室扁以子午靜逸成趣有易傳三卷

文集二

十卷

羅必元

宋字亨父進賢人嘉定進士歷官撫州司法真德秀叅大政必元後書謂老鑒嘗云傷

寒壞證惟獨湯可救先上其今之獨參湯乎通判贛州上疏論賈似道以直寶章閣致仕

羅天酉

宋字恭甫新昌人登開慶進士以格非心去
非人對策忤丁大全擯外歷官知懷柔縣有

惠政丁父憂有二釜爲親今莫及萬鍾于
我復何加之句遂不起所著有柘岡文集

柯

濟陽商音吳公
子柯蘆之後

柯九思

唐字敬仲仙居人文宗朝爲奎章閣學士凡
內府所藏法書名畫咸命鑒定善畫竹得文

同筆

法

柯崇

唐與曹松等五人
登第號五老榜

柯仲常

宋神宗朝通判潭州救饑得民有異鵲棲于
廳仲常去鵲亦送之東坡賦柯侯異鵲一篇

柯萼

宋太平興國七年遇一僧往萬歲山指古松下掘之得石篆乃寶公記國祚綿遠之文

柯夢得

宋字東海莆田人屢上春官不第嘉定七年以特科入官一生苦吟古詩學孟東野有抱

甕集及選唐

絕句行世

柯應烈

宋建德人性孝嗜學母閻氏病衣不解體侍湯藥癰瘡盡悴每夕露禱減算以益母壽空

中有嚴特延一紀後果如數龔吏部欲強以官母曰吾家代以文發身何事旁曲爲竟不就

和

汝南商音義和掌天地之官和仲和叔因以爲氏

和洽

三國字陽士舉孝廉後爲尚書令清貧守約至賣田宅以自給封西陵侯

和

嶠

晉字長孺有盛名于世朝野許其能振風俗理人倫遷潁川太守爲政清簡甚得百姓歡

心庾敳見而歎曰嶠森森如千丈松雖礫硤多節目施之大厦有棟樑之用嶠富擬王者杜

預謂其

有錢癖

和

凝

五代字成績鄆州須昌人梁時舉進士歷漢周官至太子大傅封魯國公嘗知貢舉所取

皆一時之秀稱爲得人凝舉進士名居十三

後知舉選范質亦居十三謂之曰以傳老夫衣

鉢後歷官皆與凝同作詩云從此廟堂添故事

登庸衣鉢亦相傳嘗舉進士李潛及凝大拜潛

草制盡取去閣中器皿留詩云座主登庸歸鳳

閣門生批詔立螭頭玉堂舊閣多珍玩可作西

齋潤筆不凝少負才名賀瓌謂諸子曰和凝志義之士後當富貴爾謹事之因妻以女後果爲相凝在朝率同列遞日以茶相飲味劣者有罰號爲湯社建人亦以鬪茶爲茗戰凝子峴仕周爲著作郎入宋爲太常博士後爲京東轉運使太祖以雅樂聲高近于悲哀不合中和以峴善音樂詔峴改定峴以王朴律準較洛陽司天臺影表石尺制律呂于是八音始和暢峴弟子蒙字顯仁至道初遷右正言獻詩歌稱上旨謂宰相曰有又采如和蒙者不可得也知制誥每艸詔閉戶精思徧討群籍而後成蒙弟嶧淳和中獻文授大理評

過

夏時諸侯之國少康滅之子孫以國爲氏平聲

成部猛將說花卿
學語小兒知姓名

夸 見姓
苑

夸父 上古夸父不量力欲追日影逐之於暘谷之
際道渴赴河飲不足將走北飲太澤中未至

渴而死棄其杖膏肉所
浸化為鄧林廣數千里

沙 汝南宮音姓苑東苑有沙氏吳興亦
有此姓又百濟入族其一曰沙氏

沙世堅 宋素號武勇守宜州
平劇賊一路賴之

奈 音
蛇

余起

宋銅陵人一門義聚千三百餘口子孫皆以科第顯

衙

秦穆王子食采于衙因氏焉江夏

衙謹卿

漢長平令七世同居

查

齊郡商音側加切

查文徽

五代性好學手自寫經史數百卷仕南唐統兵平建州所全活甚衆官至兵部尚書子

元方歸宋擢殿中侍御史

文徽孫道字湛然

未冠以文詞稱眩慈孝母病思鰕羹市無易者

道泣禱于河鑿冰得之母疾遂愈宋端拱初舉

進士爲館陶尉通判遂州公正清潔真宗時中

過源

宋字時源臨川人少穎異問其父曰聖賢之學何學曰心學曰何古多而今少曰非有古

今在人爲之耳于是篤志聖賢之學嘗曰人終身只是一箇窮理元不分知行行之至知之極也曰情發乎性由于性則明明則聖任乎情則蔽蔽則愚學者稱浩齋先生有語錄二卷從孫勗字紹古亦博覽能文性至孝有通神集三十卷收于祕閣

過昱

宋字彥明南城人景祐間進士官至都官郎中性至孝母湊刻木爲像父沒水漿不入口

者累日慕

之終身

阿

官氏志阿伏氏改爲阿氏又伊尹爲阿衡子孫以官爲氏

阿

呵

唐馬龍州人納垢酋之後隱巖谷撰爨字字如科斗三年始成字母一千八百四十號曰

爨書爨人

至今習之

𪛗

𪛗

拯

五代字叔濟歙人保大間令凋殘之餘撫綏有方民感之立去思碑

六麻

花

東平宮音出何氏姓苑

花驚定

唐驍勇過人上元初段子璋反于蜀時崔光遠為成都尹驚定為牙將討平之杜甫詩云

賢良方正科官至龍圖閣待制道性純厚有犯不校所至務寬恕有集二十卷

查許國

宋海陵人精于六經以奉議郎贊帥幕僑居荆南教授門人往往登科忽一日從容書曰

七十三年聖師之壽許國何人敢繼其後唯是平生確遵善誘故從門人啟予近手即端坐瞑目加朝服而終

查

深

宋字道源廣德人隱居力學治平間守郡錢公輔薦于朝力辭乃為築堂于城西名曰清

容教誨郡人子弟儒風日振

號清容先生有文集二十卷

京兆角音漢相田千秋乘車八

車

朝人號車丞相因氏尺遞切

車胤

晉字武子南平人父育為本郡功曹胤少時篤學不倦家貧不常得油夏月囊螢照書及長甚有鄉譽桓温在荊州引為主簿太元中領國子博士遷吏部尚書

車若水

宋字清臣黃巖人與同郡周敬孫楊珏陳天瑞黃超然朱致中薛松年俱師事金華王柏講明性理若水博學工古文自號玉峰山民所著有宇宙略紀玉峰元稿

家

京兆角音周大夫家父之後又望出南安今錢塘有此墓

家師諒

唐陳留人以孝稱

家安國

宋字復禮初任教授東坡以詩送歸蜀云岷峨有雛鳳梧竹養脩翎山谷蕭詩云家族口

吃善著書嘗願執戈王前驅朱紱
蹉跎晚得郡吟弄風月思天衢

家勤國

宋眉山人與從兄安國定國同從劉巨游與
蘇軾兄弟爲同門友王安石久廢春秋學勤
國憤之著春秋新義熙寧元豐諸人紛更而元
祐諸賢矯枉過正勤國憂之爲築室作室喻二
蘇讀之
敬嘆

家鉉翁

宋眉州人舉進士學問該博尤邃予春秋累
官端明殿學士簽書樞密院事元兵至太后
詔諭郡縣降于元令三省樞密檄執政皆署降
表鉉翁獨不肯署使者命縛之鉉翁毅然曰中
書無縛執政之禮乃止及宋亡旦夕哭泣不食
元世祖高其節欲授以官不受遂安置河間以

春秋教授弟子數爲諸生談及宋興亡之故輒流涕太息成宗卽位詔賜號處士放還鄉里又錫以金帛皆不受年逾八十而卒

麻

上谷商音齊大夫麻嬰之後

麻

達

漢注論語

麻

秋

晉石勒將威名可止兒啼

麻九疇

宋字知幾三歲識字七歲能作夫字徑數尺號神童仕金爲太常博士

麻仲英

宋臨淄人祖希夢太宗時爲工部侍郎景孫子仲英七歲能詩以親之祿不及養不復肯

仕博學有行鄉里推服雖凶年盜不入其家富韓二公守青州致書幣薦其行義召爲國子耶教東方學者

咸尊師之

麻士龍

宋元兵入常州文丞相遣尹玉及士龍援之率殘兵五百奮勇與元兵大戰死之贈高州

刺史五百人俱

死無一人降者

巴

高平徵音代本云巴子國子孫以國爲氏

巴蔓子

周巴國人仕爲將軍周末國亂蔓子請師于楚許以三城楚發兵救巴遣使請城蔓子曰

藉楚之靈克濟禍難誠許楚王城可持吾頭往謝城不可得也乃自刎使者以蔓子首報楚王

王曰使吾得臣如蔓子者用城何爲乃以上卿之禮葬其首巴人亦以上卿禮葬其屍于施州

巴

寧

周戰國時人公孫座曰决利害而使三軍不惑者寧之力也賜錢十萬

巴

肅

漢渤海人字恭祖漢黨錮八顧中人仕爲議郎與竇武陳蕃等謀誅宦官曹節王甫謀洩

武等遇害肅自載詣縣縣令解印綬欲與俱逃肅不從曰爲人臣者有謀不敢隱罪不逃刑

遂被

害





